

सानसेयारि "बड'सा" खरीलाइयाव
समाज्यादि जिज्जो लोखा थाबाय रायथाय, बन्धाय,
सल, सल'बाथा आरो दावबायारि थाबनि, पार्क
बाइदिबि सायाव लिन्नाय लिन्बिबां दैथाय हर/
सानसेयारि "बड'सा" खरीलाइया खेबखानाबै
फोखावगोन।
बड'सायाव लिन्हरनायबि हुबा खालाम,
"बड'सा" खरी नौथां, जो बयबो आंगो खालाम।

सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Thursday ★ 12 August, 2021 Kokrajhar, BTC, Assam ★ Vol.- 31, Issue No. 138 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

आसाम पुलिसआ सिक्किमनिफ्राय आरोबाव चिरांनि सा 13 गथ'फोरखौ हेखानानै लाबोबाय

गेंटक, 11 आगस्ट: आसाम
पुलिसआ सिक्किम
राज्योयाव लांखारजानाय
गुबुन सा 13 गथ'फोरखौ
उदां खालामनो हाबावदों।
उदां खालामनो हानाय बिसोर
सा 13 गथ'साफोरा
सिक्किमआव गुबुन गुबुन
खामानियाव थिसनजानानै
खामानि मावगासिनो दंमोन।
मिथिनाय बायदिल्ला माखासे
दुथां सुबुंफोरा नंखाय खोथा
होनानै बुरखायना बिसोर
गथ'फोरखौ सिक्किमयाव
लांखारनानै बायदि-बायदि
(□ 5 बिलाइआव)

कक्राझार जिल्लानि दाब-दाब गामिफोरनि दुखुथिया निखावदि नख'रफोराव नुजाथि हैदों बि टि आरनि गाहाय प्रमद बर'आ साफ्रोमबो नोगोरारिफोरा गोग्गो लोंग्रा दै आरो न' मोनगोन: प्रमद बर'

कक्राझार, 11 आगस्ट: बि टि
आर हालामयाव गोरिबफोरनि
जेनाखौ बोखानाय आरो सुलाद
लाहैनायनि गुबै नोजोरजों
दासान्दि बि टि आरनि दर ब्रै
जिल्लाफोरनि दाब-दाब
गामिफोराव हाबनानै बि टि
आरनि गाहाय प्रमद बर'आ
दावबायथिंथाय थादों। गुबुन
जिल्लाफोरव दावबायखानायनि
उनाव दिनेन कक्राझार जिल्लानि
सिडाव थानाय गुबुन गुबुन
गामिफोरनि गोरिब दुखुथिया
नख'रफोराव नुजाथिहैदों प्रमद
बर'आ। गावनि गामि
दावबायनायनि हाबाफारि
बायदियै फुंभिलि समाव बिथां



प्रमद बर'आ गिबियाव कक्राझार
जिल्लानि बिथमनि ओन्सोलनि
नाजितपारा गामियाव
दावबायहैनानै माखासे बि पि
एल नख'रफोराव नुजाथिहैना
नख'रनि सोद्रोमाफोरजों
(□ 5 बिलाइआव)

गामि ओन्सोलनि समाजारि-रंखन्थियारि जौगाहोनाय आरो लामा फोजोखानायाव पि एम जि एस वाइनि बिफावखौ लानानै सावराय मेल चिरांनि लामा लुफुंनयाव गोदान बिरोदामिन आदोब बाहायनायनि सायाव गोनांथि होदों जिल्ला बेगिरिया

काजलगाव, 11 आगस्ट:
हादतनि 75 थि उदांखि साननि
लोब्बायै आजादि का अमृत
महात्सव फालिथयनि मोनसे
बाहागो महरै चिरां जिल्ला पि
डाब्लिउ डि बिफाननि
बान्जायनायाव दिनें
काजलगावयाव थानाय जिल्ला
मिरुनि सावराय नब्लाडाव
गामियायि लामा फोजोखानाय
आरो गामियायि ओन्सोलनि
(□ 5 बिलाइआव)



साहित्य अकाडेमिआ मुलुगनि थावनियारि सुबुंफोरनि माहारियारि सान फालिदों

कक्राझार, 11 आगस्ट: आजादि का अमृत महत्सवजों लोब्बा
लाखिनानै साहित्य अकाडेमिआ भारतनि मोन 75 जनजाति
(ट्राइबेल) रावफोरनिफ्राय मोन 75 खन्थाइ फरायथिनानै
अनलाइननि गेजेरजों मुलुगनि थावनियारि सुबुंफोरनि माहारियारि
सान फालिदों। बे हाबाफारिखौ इड्टुब सेनेलनि गेजेरजों थानाय
9 निफ्राय 11 आगस्टसिम अनलाइनजों खुंफुंनयाव जादों।
अनलाइननि गेजेरजों खुंफुंनयाव बे मुलुगनि थावनियारि सुबुंफोरनि
माहारियारि सान फालिनायाव साहित्य अकाडेमि, सान्जायारि
ओन्सोलनि नेहाथारि ७० के खिनिभासाववा बराय बिबुंथि
लाखिनानयनि गेजेरजों जागायदों। बिथाड 2021 नि माइथायनि
इडनेस्क नि मोन्थोर आयदानि बागै (□ 5 बिलाइआव)

बि पि एफआ बि जे पिजों गोरोब हैयोब्लाबो इउ पि पि एलनि सायाव जेबो गोहोम गोग्लैनाय नडा: प्रमद बर'

कक्राझार, 11 आगस्ट:
इयुनआव जुदि बि पि एफ
हान्जाया बि जे पिजों
गोरोबहैयोब्लाबो इउ पि पि एल
हान्जा आरो राज्जो सरकारनि
थाखाय जेबो गोहोम गोग्लैनाय
नडा। बे बाश्राखौ बुदों इउ पि
पि एलनि आफादगिरि आरो
आथिखालनि बि टि आरनि



गाहाय प्रमद बर'आ। दिनें
कक्राझाराव खौरंगिरिफोरजों

मोगा-मोगि जानाय समाव
बिथाड बुडेदि, सोलिफु समाव
इउ पि पि एल, बि जे पि आरो
ए जि पिआ जुथायै लोगो
नानानै दिसपुराव मोनसे गोग्गो
सरकार खुंगासिनो दं। बे हिसाबै
इउ पि पि एल, बि जे पि आरो
ए जि पिनि जुथाय सरकार जेबो
(□ 5 बिलाइआव)

उदांखि सानजों लोब्बा लाखिनानै तामुलपुर महकुमा खुंथाया बाइदिसिना बादायलायनाय हाबाफारि खुंदों

तामुलपुर, 11 आगस्ट:
हादोरनि गा 75 थि उदांखि
सानजों लोब्बा लाखिनानै
तामुलपुर महकुमा खुंथायनि
बान्जायनायाव तामुलपुर महकुमा
थाखायाव हादोर अनफावरि
मेथाइ, राइथाय आरो सावगारि
बोनाय बादायलायनाय
हाबाफारिखौ खुंछे। गोजोसिन
(□ 5 बिलाइआव)

जालाह जौगाथाइ मावखुलिनि जुनियर इन्जिनियारखौ बिबाननिफ्राय बोख्लायनो मावफुं सोद्रोमा राकेश ब्रह्मनि लाइजाम

मुसलपुर, 11 आगस्ट:
जाखल'नाय गैथै सरकार दाफुंगोन
होनना रायजो राजाफोरनो खोथा
होनना बादिथै खामानि मावफुंनो
लादों बिटिसि सरकार। थानाय
माखासे दाननि सिगां न' होगोन
होनना रां लानाय एबा
जाखल'नायजों लोब्बा लाखिनाय
मुसलपुर बिबाबनि सिडाव थानाय
कालजार भिसिडिसि सेयारमेन इन्द्रस्वर राभाखौ बिबाननिफ्राय
बोख्लायनायनि उनाव आरोबाव रायजोफोरनि थाखाय सफैनाय
जि सुबग्रा मेसिनखो लानानै जाखल'नाय गेना गोरोथिजों लोब्बा
लाखिनाय अजद मोननानै जालाह जौगाथां खोन्दोनि जुनियर
इन्जिनियार जय चन्द्र दासखौ (□ 5 बिलाइआव)



चिरांनि आथियाबारिआव सारअन्थाइ गावनायाव सानै सुबुंनि जिउ खहा

बासुगाव, 11 आगस्ट: चिरां
जिल्लानि सिदली पुलिस
थानानि सिडाव थानाय डिपु
आथियाबारि गामियाव थानाय
मंगलबारखालि हरनि समाव
सारअन्थाइ गावनायाव गंसे
नखरनिनो सानै सुबुंनि जिउ
(□ 5 बिलाइआव)



तामुलपुरआव राज्योयारि गोथैसालियाव दै जगायनाय बिथांखिनि अन्थाइ खाम्फा गायसन्दों



तामुलपुर, 11 आगस्ट: तामुलपुर महकुमानि बरख'पा राज्योयारि
गोथैसालियाव दिनें दै जगायनाय बिथांखिनि अन्थाइ खाम्फाखौ
गायसनो थिसनजानाय बि टि सिनि (□ 5 बिलाइआव)

मोब्लिब बिलआ राइजो-राजाफोरखौ जेनायाव खोख्लैदों

बरमा, 11 आगस्ट: जाख्रिसे
अखा हाब्लाबो मोब्लिबनि
थाखोमानाय गेलेग्रा बरमा
मोब्लिब रनसारथाय खोन्दोआव
बायगिरिफोरा जेनायाव
गोख्लैनादों। सरसनसा थाखोनि
बायगिरिफोरखौ जिगासिहोनाय
बरमा मोब्लिब रनसारथाय
खोन्दोआव आथिखालाव
दानआरि मोब्लिब बिलनि जेबो
सिमा गैथै जानो हम्नायखौ नुनो
मोनदों। मोननैल' बाल्व
(□ 5 बिलाइआव)





Assam State AIDS Control Society
आसाम सरकार
GOVERNMENT OF ASSAM
National AIDS Control Organisation
India's Voice against AIDS
Ministry of Health & Family Welfare, Government of India
www.naco.gov.in

**भारतबर्षनि उदांखिनि 75 बोसोर जाफुंनयाव
आसाम राज्जोयारि एड्डस सामलाइ आफाद (ASACS) आ
माहारियारि एड्डस सामलाइ फसंथाननि (NACO)
हेफाजाबाव फालिनाय जागोन :**

New India @ 75

बेजों लोब्बा लाखिनानै 9 थाखोनिफ्राय मुलुग सोल्लोसालिनि थाखोनि फरायसुला-फरायसुलिफोरनि गेजेराव
गाहाइयाव होनाय आयदानि सायाव सांग्रांथियारि हाबाफारि जागायनो लानाय जादों:
एड्च आइ भिनि सांग्रांथि । यक्षानि सांग्रांथि । गोसो-खुसियै थै दान होनायनि सांग्रांथि
बे सांग्रांथिखौ बांहोने थाखाय फरायसुला-फरायसुलिनि गेजेराव बायदिसिना बादायलायनाय खुंनो लानाय जादों।
सावगारि आखिनाय। बाश्रा दाथेनाय। कुइज। से मिनिटनि भिडिअ। माइम भावथिना। हरखाब बिबुंथि होनाय बायदि।

बे बादायलायनायखौ कभिड थासारिनि थाखाय फरायसालि/कलेज/मुलुग सोल्लोसालियाव अनलाइन एबा अफलाइन
आदोबजों खुंनयाव जागोन।

बे बादायलायनायफोरनि गिबि खोलोबनि जागायनायखौ-हरिमयायारि लाइमोन साननि गोथार सम 12-08-2021
आव जागायगोन।

फै जोडे बयबो मोनसे एड्च आइ भि उदां समाज दानायनि समाय लानि।

गोबां फोरमाननि थाखाय अन्नानै: asacsaddp@gmail.com/rrciecassam@gmail.com आव सुलाद लाहर
एड्च आइ भिनि सोमोन्दै गुदि-खिथा मिबथिनो थाखाय टल फ्री नम्बर 1097 आव सुलाद लाहर।

एड्च आइ भिनि सोमोन्दै बाश्रा बुं : एड्डस होबथा



आसाम राज्जोयारि एड्डस सामलाइ आफाद, खानापारा, गुवाहाटी-22
JANASANYOG/DF/550/21

सुजुगिरिनि खोलोम

दाव-हांसोनि फार्म खालामनानै थानानै
थानायनि लामा दिहनाय

आबादयानो जॉनि थानानै थानायनि गिबि आरो गुदि फुंखा । आबादिन अनगा गामियाव रइजो जानाय सादा-बुसा जॉनि सुबुंफोर गुबुन माबा मोनसे मुलाम्फायरि गोनां खामानि-दामानि मावनानै रं-खावरि बुधुमनयनि गुबुन लामा नागिरनो गोब्राब मोनो । आबादखौनो गुबे रहा महरै लायोब्लाबो गोनोखोयारि आदोबजौं आबाद मावनो हाद्रायखै । आथिखालनि समाव बर 'फोराबो फालांगिनफ्राय लानानै ,मोजां आबादरिफोरबो दंसे । गुबुन बाध्राखौ बुडबालानो मिथिगायारि फुंखानिफ्राय मोन्याय माखासे खाबु लानायनि गेजेरजौं गामियारि रंखाथिखौ गुस्लायहोनायनि लामा लानो हागौ । बेफोर मख 'जाथावनाफोरनि गेजेराव गामियाव हांसो-दाव फिसिनानै गोबां मुलाम्फा मोनो हायो । दाव-हांसोया बेदरल' जगाया , ओन्सोलाव गोनांथि जानाय दावदैन साहिदाखौबो सुफुंनानै गोबां मुलाम्फा खालामनो हागौ । आथिखालनि समाव दाव बेदर आरो दावदैन साहिदा सुफुंनो हायैनि जाउनाव रइज्योयाव गोनांथि जानायखौ फोलोमनो गुबुन गुबुन रइज्योफोरनिफ्रायसो दाव-दावदे लाबोनो गोनां जानाय नुनो मोनो । बेफोरखौ नोजोर होनानै जॉनि सुबुंफोरबो फिसा-फिसा दाव-हांसोनि फार्म बानायनानै बेदर-दावदैन फालांगि खालामनानै गोबां मुलाम्फा मोनो हागौ । गुबुयै नाजो लोगोसे हांसो-दाव फिसिनानिबो रहा-लामा लानो हायोब्ला साबसिन आरो गोबांसिन मुलाम्फामोनो हानायखौ नुहरो । नोजोर होथावनादि- दैज्जां बोथोर सौफेब्लानो गामि ओन्सोलनि गोबां हाखर-हाला, गरखाय-दंग्रा अखानि दैजो दानब्रे-दानबासिम आबु लोमानै थायो । बेफोर एरेनो गोल्सोनानै थानाय हाखर-हालाफ्राव समबाय हिसाबै एबा गावयारि हिसाबै बोथोरावनो ना फिसिनो हागौ । ना-जो लोगोसे जावजा आबाद हिसाबै हांसो फालोबो फिसिनानिबो रहा खालामनो हायोब्ला रंखाथिथियारि फुंखाखौ एसे एने बांहोनायनि मिजिं खालामनो हागौ । दैज्जां बोथोराव थि बेंखनथानि गेजेराव दोनानै हांसो फिसिनो लायोब्ला देयाव थालदानाय-साम'-खांखाइ, गुमा, बायदिसिना एम्फौ-एनलाफोरखौनो जायो हांसोया । जाउनाव गोबां आदरनि गोनांथि जाया । बिबिनो हाखर-हालानि फोसाबप्राडे-हाग्रा-बंग्रा, दाखोर-दालाफ्राबो ना फिसिनायाव गोबां मदत खालामो । नानि थाखाय फोसाबै हाखर, गरखायफ्राव गोबां आदार नांगो जानानै फैया । मानो होनोब्ला बेफोराव नानि थाखाय गोबां आदार ज' जानानै थाखायो । बेखायनो बेफोरखौ सिगां नोजोर थिग्रोनानै मोजां आरो गोगो जोलैनि ना फुवान आरो हांसो जोलै ज' गायनानै फिसिनानि बे गोले राहाजो बाडइ खरसा आरो बाडइ समनि गेजेरावनो रं खामानो हागौ । आथिखाल ना-बेदरनि साहिदा बांनय आरो बारायलाबनाय बेसेनखौ नोजोर होनानै नाजो लोगोसे दाव-हांसो फिसिनानै बेदरजौं लोगोसे दावदैन साहिदाखौ सुफुंनानै गोबां मुलाम्फा जानो हायो । बे रोखोमै दाव-हांसोनि फिसा-फिसा फार्म गायसन्नानै बेदर-दावदे दिहनायनि लामाजो रंखाथिथियारि बिथिनै एसे-एने गोब्रौ जानो हानायनि लामा मोनो हागोन । □

दिनैनि फानजामुधि

राशि बाइदियै मुनि गिबि हांखो

मेष : अ ल वृष : ऊ ब (उ ए इ) मिथुन : क छ (ड ष) कर्कट : ड ह सिंह : म ट कन्या : प ठ (ण ष) तुला : त र बृश्चक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेष :** जेखि जाया मानो अहंकारे जुजिबायनो हागौ । गोसोखौ हमथानांगोन । थासारिया गाजि ।
- वृष :** बायदिसिना सानानै गोसोआव गिखांनय सोमजिखांनो हागौ । गोसोखौ लोरबां दाखालाम ।
- मिथुन :** सोरनिबा हिन जानानै थानानो हागौ । जेखियानो जाया गोसो हमथानांगोन ।
- कर्कट :** माबा मोनसे मुवा-बेसाद मोनो हागौ । गोजोन्नयखौ मोनो हागोन । मोजां सान ।
- सिंह :** बायदिसिना होनानै सोरजौबा बांसाव जानो हागौ । गोसोखौ हमथानानै थानांगोन ।
- कन्या :** बेपार-फालांगि मावयोब्ला गोबां रं मुलाम्फा खालामनो हागोन । गोजोन्नयखौ मोनगोन ।
- तुला :** हरखाबै बहाबाफोर थानानो हागौ । रं खरसा जानो हागौ ।
- बृश्चक :** न'नि माबाफोर मोजां खामानि मावनो गोनां दंला मावनानै लानो हागोन । गोथार सान ।
- धनु :** गोजान जायगायाव दावबाय हैनो मोनो हागौ । रंखावरि खहा जागोन । गोसोखौ हमथा ।
- मकर :** माखौबा लानानै सोरजौबा दावरव-दावसिफोर जाफलांबायनो हागौ । गोजोन्नय गैयै मोनगोन ।
- कुम्भ :** माबाफोर मुवा-बेसाद गोमाजानो हागौ । सांग्राडै नोजोर लाखिनांगोन ।
- मीन :** बिसि-फिसाय गावसालायनाया गोरोबलाय फिनगोन । गोजोन्नयखौ मोनो हागोन । मोजां सान ।

फैगौ 13 आगस्टनिफ्राय हादतनि दर 744 जिल्लाफोराव फिट इन्डिया फ्रीडम रन 2.0 नि हाबाफारिआ जागायगोन

गोदान दिल्ली, 11 आगस्ट: आजादी का अमृत महात्सवनि गेजेरजौं गेलेमु आरो लाइमोन जौगाखां बिफाननि मन्थिर अनुराग ठाकुरआ फैगौ 13 आगस्टआव फिट इन्डिया फ्रीडम रन 2.0 खौ जागायगोन । मावख 'निफ्राय 7.50 कौटि लाइमोनफोर आरो सुबुंफोरनिमि बे थांखिखौ सौहैहोनो थामहिनबा बे हाबाफारिआव बिसोरखौ बाहागो लानो थुलुंगा होनायनि थांखि लादों । गेलेमु बिफाननि सेक्रेटारि उषा शर्माया फोस्मायनाय बादिब्ला, हादरनि गुबुन गुबुन राइज्योफोराव जानो गोनां हाबाफारिआव गाहायै बिएसएफ, सिआइएसएफ, सिआरपिएफ, रेलवे, आइटिबिपि, एनएसजि, एसएसबि बायदि सरकारि आरो सरकारि नडै आफदपोर बाहागो लागोन । बिथाड बुंदों, गिबि



सानआव हादरनि गुबुन गुबुन जांरिमिनारि जायगाफोराव 75 रोखोमनि देहायारि हाबाफारिफोरखौ खुंफुंगोन । बेनि उनाव फैगौ 2 अक्टबरसिमाव खेबफोमबो सप्ताहायवनो दर 75 जिल्ला आरो बेफोरनि गासै जिल्लानिनो गामिपोराव 75-75 हाबाफारिफोरखौ खुंफुंगोन । गासै दर 744 जिल्ला आरो बेफोर जिल्लानि 75-75 गामिफोरनि अनगायैबो हादरनि 30 रोजा सोलौंथायारि फसंथानफोरावबो हाबाफारिआ खुंफुंजागोन । मावख 'निफ्राय मंगलबारखालि फोरमायनाय बादिब्ला, गेलेमु बिफाननि मन्थिर आ हादरनि गासै सुबुंफोरखौ जानो गोनां हाबाफारिआव बाहागो लानानै गावखौनो गाव गाहाम देहायाव लाखिनो खालायदों । □

जोखोम जानाय देहानिफ्राय गोख्रैयै फाहामथाय होनायाव जाफुंसारनाय मोन्दों गुवाहाटी आइआइटिनि संदानगिरिफोरा

गोदान दिल्ली, 11 आगस्ट: जोखोम जानायनिफ्राय रेहाय मोन्याय बिथिडव आइआइटि गुवाहाटीनि संदानगिरिफोरा गिदर जाफुंसारनायखौ मोन्दों । संदानगिरिफोरा मोनसे एबादि बेन्डेज दिहुन्दों जाय बायडिगुं डेबल जानायजों लोगोसे बेसेनआवबो खम । संदानानै दिहनायजों सोमोन्दो थानाय फिथाइखौ इन्टरनेसनेल जार्नेल अफ बायलजिकेल मेक्रमलेकुल्सआव फोसावदों । आइआइटिनि पिएइसडि स्कलर अरित्रि दासनि बादिब्ला,

कटन उल, लिन्ट आरो गाज (मेच बेन्डेज) खौ जोखोम जानायखौ मोजां खालामनायाव बाहायनाय जायो । बेफोरखौ जोखोम जानानै थै गनायखौ होबथानाय आरो गोख्रैयै गारायखौ फाहामनायाव बाहायनाय जायो । बेफोरनि बाहायनाया देहानि टिशुखौबो खहा खालामनो हागौ । बेफोरनि जाउनावनो संदानगिरिफोरा बिनफ्राय साबसिन रहा नागिरनायाव हाबा मावदों । □

सोलौंथायनि भिजा लानानै थानाय सा 57 लाइमोनफोरा उतरखारि जानानै हादतआव गिदिंबोफिन्दों: डि जि पि


गोदान दिल्ली, 11 आगस्ट: जम्मु-काश्मीरनि माखासे लाइमोनफोरा मा बादिदै पाकिस्तानआव सोलौंथायनि मुडव उतरखारिजों लोगो मोनो आरो गिद्वंथाव उतरखारि जानानै हादरआव गोजोन गैयै थासारि सोमजिखांहोनो नाजाबाय थायो, बेफोरखौ लानानै सोमोनांथाव बाध्राया सोराडव फेदों । जम्मु-काश्मीरनि डिरेक्टर जेनेरेल अफ पुलिस दिलबाग सिंआ बुंदोंदि, जम्मु-काश्मीरनि खमैबो सा 57 लाइमोनफोर जायफोर 2017 आरो 2018 आव दावबायनायनि भिजा एबा सोलौंथायनि भिजा लानानै पाकिस्तानआव थांदोंमोन, बिसोर उतरखारि जाहेंदों । बिसोरनि खायसेफोर उतरखारि जानानै हाथियार लाना काश्मीरआव गिदिंबोफिन्दों । राजौरिआव खौरांगिरिफोरनि सिगाडाव दिलबाग सिंआ बुडोदि, जम्मु-काश्मीरनि माखासे लाइमोनफोर आइन बादिदै लेखा बिलाइ एबा भिजा लानानै 2017 आरो 2018 आव पाकिस्तानआव थांदोंमोन । बेबादिनो सा 57 नि केसखौ गावसोर मोन्दों, जायफोरा सोलौंथाय लानाय एबा दावबायहैनयनि भिजा लानानै सिमना बारना थांदों आरो बबेबा



नडा बबेबा मोनसे उतरखारि हाज्यायाव हाबहेंदों । बिसोरनि सा 30 आ आइन बेरेखायै हाथियारजों लोगोसे एलअसि बारनानै उतरखारि महरै काश्मीरआव गिदिंबोफिन्दों । बिसोर सा 30 नि सा 17 आ जिउ गोमाबाय आरो सा 13 आ दासिमबो काश्मीरआवनो दड। रैखाथि हान्याया बिसोरखौ नोजोर होगसिनो आरो सा 17 आ पाकिस्तानआवनो दड । बेफोरनि जाहोनावनो बावैसो सिगां सानफोरनिफ्राय बिबानगिरिफोरा काश्मीरी फरायसाफोरनो सोलौंथायनि थाखाय पाकिस्तानआव थांनयनि गनायथि होनायखौ गोख्रौंसिन खालामदों । बेनि अनगायै डिजिपि दिलबाग सिंआ बुंबावोदि, थांनय पेबुवारीआव भारत आरो पाकिस्ताननि गेजेराव दावहा दोन्थ 'नायखौ सोलिंलांहोनो गनायथिज्जलायनायनि उनाव सिमना बारनानै हाबफेखुमानाया सिरियै थाथ'नायनि उनाव आथिखालाव उतरखारिफोरखौ पाकिस्तानआ सिमना बारनानै दैथायहरनो थाखाय खाबु नागिरगासिनो । सा 250 निफ्राय 300 उतरखारिफोरा ट्रेनि मोनखानायनि उनाव सिमना बारबोनो पाकिस्ताननि केम्पफोराव थानानै खाबु नागिरगासिनो थादों । पाकिस्ताननि आइएसआइ आरो गुबुन फसंथानफोरनि गेजेरजौं सामलायनाय ट्रेनि केम्पफोर आरो लन्व पेडआ गाव-गावनि गोहो बादिदै एरेनो दड । नायबिजरनानै मोन्याय बादिब्ला, बेबादि केम्पफोरव सा 250 निफ्राय सा 300

भारतआव करना इनफेक्सननि सांग्रां केसनि अन्जिमाया 140 सानाव सिगांनिखुडबो बाडय जादों

गोदान दिल्ली, 11 आगस्ट : मिरुनि गाहाम देहा मावख 'नि फारसे बुधबारनि फुंआव करनाजों सोमोन्दो गोनां अन्जिमाखौ फोसावदों । बेनि बायदिब्ला हादतआव सांग्रांथि केसफोरनि ग्राफआ थांनय 140 हादतफोरव बयनिखुडबो खम रिपट खालामनाय जादों । मावख 'आ फोरमायदोंदि, गासै 7,86,351 सांग्रांथि केसखौ थिसन्दों आरो 24 घन्टयाव करना भाइरनि गासै 38,353 गोदान केसआ सोराडाव फेदों । फारसैथि बे समाव गासै 497 आ इनफेक्सनजों थैदों । बेनि उनाव दासिमाव हादतआव इनफेक्सन जानायफोरनि गासै अन्जिमाया 3,20,36,611 जादों आरो थैनायफोरनि अन्जिमाया 4,29,179 जादों । गासै इनफेक्सननि 1.21 जौखोन्दो सांग्रांथि केस दड; जाय मार्च 2020 नि उननिफ्राय बयनिखुडबो खम जादों । 24 घन्टयाव सांग्रांथि केसफोरनि गेजेराव 2,157 केसआ खम जादों । करना इनफेक्सनजों मोजां जानायफोरनि बिबाड बांनानै 97.45 जौखोन्दो जादों । आइसिएमआरआ दिनै फोरमायदों, भारतआव मंगलबारसिमाव गासै 48,50,56,507 सेम्पलफोरनि कभिड टेस्ट खालामखांबाय । बेनि गेजेराव 17,77,962 सेम्पलनि टेस्टिखौल' थांनय सानआव खालामनाय जादों । मावख 'निफ्राय मोन्याय खौरनि बायदिब्ला हादतआव कभिड भेक्सन थुनायनि अन्जिमाया 51,85,17,148 जादों । बेनि गेजेराव 37,76,765 निफ्राय बांसिन डूपफोरखौ



मंगलबारआव होनाय जादों । करना इनफेक्सननिफ्राय रैखाथिनि थाखाय हादतआव करना भेक्सन थुनायखौ सोलिहोदों । बे हाबफारियाव दासिमाव मिरुनि फारसे रइज्यो एबा मिरुजों खुंजानाय रइज्योफोरखौ करना भाइरस भेक्सननि 53.24 कौटिनिफ्राय ब । सि स न (53,24,44,960) डूपफोरखौ मोनहोनाय जादों । मावख 'आ फोरमायदोंदि, दासिमबो रइज्यो एबा मिरुजों खुंजानाय रइज्योफोर आरो गावयारि देहा फाहामसालिफोरनिफ्राय आथिखालाव भेक्सननि 2.25 कौटिनिफ्राय बांसिन (2,25,03,900) डूपफोरा दड। थांनय बोसोर (2020)नि 7 आगस्टआव करना इनफेक्सननि केसनि अन्जिमाया थिसन्नाय जादोंमोन । □

कभिड-19 भेक्सन थुजानायनि सार्तिफिकेटआव गाहाय मन्थ्रिनि सावगारि थानायखौ रोखा खालामदों

गोदान दिल्ली, 11 आगस्ट : मिरु सरकारआ फोरमायदोंदि, कभिड-19 होबथाग्रा भेक्सनखौ थुजाखानायनि उनाव होनाय सार्तिफिकेटआव गाहाय मन्थ्रि नेन्ड मदिनि खौरजों लोगोसे बिनि सावगारियाबो दंफा देरो आरो बे सार्तिफिकेटआ भेक्सन थुजानायनि उनाव इनफेक्सननिफ्राय रैखाथि मोन्यायनि गासिबो नेम-खाथिखौ फालिनायनि सोमोन्दै जांखिखां होयो । देहा आरो नख'र जौगाखां रइज्यो मन्थ्रि भारतीय पावारआ रइज्यो सभाआव मोनसे लिरनायनि फिन होनायाव बे बाध्राखौ बुंदों । कभिड-19 भेक्सन थुजानायनि सार्तिफिकेटआ गनाय जानाय नेम-खाथि 'डब्लिउएचअनि बिथोन होनाय बादि । कंग्रेसनि कुमार केतकरआ सरकारनाव बे बाध्राखौ मोनथिनो गोसो जादोंमोनदि, कभिड-19 भेक्सननि सार्तिफिकेटआव गाहाय मन्थ्रिनि सावगारि थानाया गोनांथार नामा ? बेनि फिन्नाय होनायाव पावारआ बुंदों, इनफेक्सननि सोलायनायनि महरखौ नोजोर होनानै कभिडजों सोमोन्दो थानाय नेम-खाथिखौ फालिनाया बे भाइरस गोसारनायखौ होबथानो थाखाय मोनसे मख 'जाथाव रहानि महराव ऑंखार बोदों । भेक्सन थुजानायनि सार्तिफिकेटआव गाहाय मन्थ्रिनि खौरजों लोगोसे फट थानाय सुबुंफोरनि गेजेराव भेक्सन थुजानायनि उनावबो कभिड-19 नि नेम-खाथिखौ फालिनो जांखिखां होयो । सरकारनाव बिबान दंदि बे रोखोमनि मख 'जाथाव खौरखौ सुबुंफोरनि गेजेराव गोहोम गोनाडै फोसावदि खालाम नांगो । □

पिअकेयाव गोगो लोंग्रा दैन जेंना आरो फोरोंगिरिनि बिबान मावफुडैनि बेरेखायै धर्ना होदों

गोदान दिल्ली, 11 आगस्ट : पिअकेआव थासारिया जोबोद गोब्राब जानो हमदों । बेयाव सानफोमबो सुबुंफोर गावनि मोन्यायनि थाखाय जुजिनो लामायाव ऑंखारबोयो । बे बादिनो थांनय सानाव जेब्ला जायगानि सुबुंफोर आरो फरायसाफोर खुंथायनि नोजोर होयै एबा खामानिखौ मावफुडैनि थाखाय रजा लामायाव धर्ना होफेयो, अब्ला बेनि सासे सुबुंआ फोरमायोदि, गुबुले दैया लोंग्रा गोगो दैयाव गलायफाहैयो आरो गावसिनि आरज गावनायफोरखौ नोजोर होनाय जाया । बे बेरेखा धर्ना होनायनि जाहोनाव जेंना जादों आरो बेयाव जायखि जाया खामानिखौ मावफुंनो हायाखै । फारसैथि गिलगिट, बाल्टिस्ताननि सासे फरायसाया बुंदों, फिस होनायनि उनावबो फोरोंगिरिया फैया । 'बेनिखायनो खुंथायनियाव आर'जगावयोदि जॉनि थाखाय फोरोंगिरिनि रहा खालामो आरो दान बान्या लानानै बिबानखौ मावफुडैफोरनि एबा फरायसालियाव फैनानै फरायसाफोरखौ फोरोंफैयैफोरनि हेंथायै गोख्रौं बिजिरो । मख 'जाथावदि, पिअकेआव बावैसो सिगांआव जालानाय बिसायख 'थियाव माखासे जायगाफोराव गोख्रौं हांसायारि जाथाय जादोंमोन । बेरेखा दोलोआ बिसायख 'थि आयगाखौ बेंख 'नानै हुमखिबो होदोंमोन, गेनाखाथि जानायखौ नायबिजिब्ला भारतनि मदत लानो फावसयनानै थानाय नडा । पिटिआइनि गेजेरजौं पिअकेआव सरकार दानाय जायो । गाहाय मन्थ्रि इमरान खानआ रजखाथि दैदनगिरि आबुल कयुम नियाजौखौ पिअकेनि गाहाय मन्थ्रि महरै सायख 'यो । नाथाय भारतआ पाकिस्ताननि दखलआव थानाय पिअकेयाव जानाय बिसायख 'थिखौ गोख्रौं डै नेवसिगारदों । भारतआ बुंदों बेफोर गासैबो दिन्थिपलानाय, पाकिस्ताना आयेन बेरेखा दखल खालामना लानाय हा बाहागोआव बिसायख 'थि खुनो हाया । □

ममता बेनार्जीनि बियादै अभिषेक बेनार्जीजों लोगोसे टिएमसिनि गुबुन मन्थिफोरनि बेरेखायै केस थिसन्दों

कलकाता, 11 आगस्ट: सोनाब बंगनि उनाव त्रिपुरा तृणमुल कंग्रेस (टिएमसि) आरु बिजेपिनि गेजेराव गोदान जेना सोमजिखानायखौ नुनो मोन्दों। सोनाब बंगआव बिधान सभा बिसायख थिनि सिगां आरु उनाव जाय जाथाय जादोंमोन, आथिखालाव सा-सान्जा नि राइज्यो त्रिपुरायव बे बादिनो नुथाय नुनो मोन्नाय जादों। थानाय सानफोरव जालानाय गाग्लोबनायखौ लानानै आथिखालाव सोलिनाय दाय जाबसिनलायनायनि गेजेराव त्रिपुरा पुलिसआ टिएमसिनि एमपिफोर अभिषेक बेनार्जी, डला सेन आरु पाटिनि गुबुन गोजौ थाखोनि दैदेनगिरिफोरनि हेँथायै पुलिस मावसुमाफोरखौ डिडिटि मावनायव हेँथा होनायनि दायव एफआइआर थिसन्दों। खौरनि बादिब्ला, त्रिपुरा



पुलिसआ ममता बेनार्जीनि बियादै अभिषेक बेनार्जीनि अनगायै सोनाब बंगनि मन्थि ब्रत्य बसु आरु पाटिनि बुंथिगिरि कुणाल घपनि हेँथायैबो केस थिसन्दों। एफआइआरआव बुंनाय जादोंदि, रबिबारखालि फुडाव सा 14 टिएमसिनि दैदेनगिरिफोर आरु मावसुमाफोरखौ हमनायनि

उनाव मन्थि ब्रत्य बसु आरु एमपि डला सेननि दैदेनगायव पाटिनि मावसुमाफोरनि मोनसे हान्जाया खवाइ थानायव सौहेदों आरु बिसोरनि उनाव अभिषेक बेनार्जीआबो थानायव सौहेदों। टिएमसिनि दैदेनगिरिफोर पुलिस थानायव एडिसनेल एसपि आरु गुबुन पुलिस मावसुमाफोरखौ गात्रि

साननै सिगांनो जोबदों लकसभानि गोलोम बोथोरनि जथुम्माया

गोदान दिल्ली, 11 आगस्ट: लकसभानि हाबाफारिखौ जोबनो गैयै समसिमनि थाखाय दोन्थ नाय जाबाय। बेनि ऑथिया जादोंदि, बे गोलोम बोथोरनि जथुमाआ आथिखालाव लकसभाआव सोलिनाय नंला। बे रोखोमै लकसभानि गोलोम बोथोरनि जथुमाआ नै सान सिगांनो जोबदों। गोलोम बोथोरनि जथुमनि थाखाय 19 जुलाइनिफ्राय 13 आगस्टसिम अक्टखौ थि खालामनाय जादोंमोन। सरकारआ अक्सि सरैखाथि सोमोन्दो थानाय बिलखौ राइज्यो सभानिफ्राय पास खालाम खानायनि उनाव गोजौ सदनखौबो दोन्थ 'नो थियारि खालामदों। पेगासास संगालि केस, मोनथाम आबाद आयै नखौ बोखाना लाफिननायनि दाबि दैखानायजों लोगोसे गुबुन गुबुन



आयदाफोरनि सायाव बेरेखा दोलोफोरव दावराव-दावसि खालामनायनि जाहोनाव फुरा जथुमायाव सदनआव हाबाफारिआ थाबथाना थदों आरु बेवहाय 22 जौखोन्दोल' हाबा मावनाय जादों। लकसभा स्पीकार अम बिडलाआ हाबाफारिआ जागाय जेनबलाबो फोरमायदोंदि, 17 थि

लकसभानि 6 थि जथुमाआ 19 जुलाइ 2021 निफ्राय जागायजेन्दों आरु बे समाव 17 खेब जथुमा खुंनायआव 21 घन्टा 14 मिनट हाबा मावनाय जादों। बियो बुंदों सदनआव हाबा मावनायआ आसा खालामनाय बादिदै जायाखै। दावराव दावसि जानायनि जाहोनाव 36 घन्टानि गेजेराव 74 घन्टा हाबा मावना हायाखै। दावराव-दावसि खालामनाय थानायनि जाहोनाव 22 जौखोन्दोल' हाबा मावना हादों। संबिजित बिलजों लोगोसे गासै 20 था बिलखौ पास खालामनाय जादों। सा 4 गोदान सोद्रोमाफोरखौ समायखिरा लाहोनाय जादों। गोलोम बोथोरनि जथुमाआव 66 सोंथि सोंनायनि फिनखौ होनाय जादों।

इउपि-बिहारजों लोगोसे सा-सान्जा राइज्यो-फोरव अखा हागोन : बोथोर बिफान



गोदान दिल्ली, 11 आगस्ट: हादरनि गोबां राइज्योफोरव अखा हाबाय थदों। बिहार आरु मध्य प्रदेशआव लाश्रियै रोजा अखा हाबाय थानायजों दै बाना जादों। भारतनि बोथोर बिगियान बिफाननि बादिब्ला सा-सान्जा राइज्योफोर सान्जा उत्तर प्रदेश, बिहार आरु झारखण्डआव फैनो गोनां सान 4-5 सिम रोजा अखाहाबाय थानो हागौ। फासँथि सा-सोनाब भारतआव

अखाया खम हागोन दिल्लीआवबो 16 आगस्टसिमाव अखा हानाय नड, लोगोसे हरियाणा आरु पान्जाबआवबो गोबां अखा हानाय नड। नाथाय उत्तर प्रदेश, मध्य प्रदेश आरु बिहारनि गुबुन जायगाफोरव गेजेर थाखोनि बारहुंखा बारनायजों लोगोसे सारअन्थाइ गावनो हागौ। भारतीय बोथोर बिफानआ हमदंनय बादिब्ला फेगौ 24

घन्टायव मध्य प्रदेश आरु राजस्ताननि माखासे जिल्लाफोरव अखा हानो हागौ। बेजों लोगोसेनो बोथोर बिफाना बुंदोंदि, फेगौ 13 आगस्टनि गेजेराव सोनाब बंगआव रोजा अखा हानो हागौ। झारखण्डआवबो फैनो गोनां सानथामाव रोजा अखा हानो हागौ। फेगौ सानबायाव तामिलनाडु आरु केरलायाव जायगा जायगा गोबां अखा हानो हागौ। फासँथि गेजेर भारतजों नांजाबनाय सा-सोनाब भारत (पान्जाब, हरियाणा, राजस्थान) नि माखासे बाहागोफोरव आरु महाराष्ट्र आरु गुजरातजों लोगोसे प्रायदीपआरि भारत (तामिलनाडु आरु केरलानि बाइजो) नि गोबांसिन बाहागोआव गेसँ अखा हागोन।

हादतआव कभिथिलड आरु कभेक्सिननि मिक्स ड्रपनि हाबाखौ गनायथि होबाय

गोदान दिल्ली, 11 आगस्ट: हादरआव करना महामारिनि गेजेरजों टिका थुनाय अभियानआ गोखै यै सोलिगासिनो दड। बेनि गेजेरजों हादरआव टिका थुनायखौ लानानै आरोबाव मोनसे मोजां खौरं फेगासिनो दड। अदेबानि सरकारनि फासँनिफ्राय हादरआव कभिथिलड आरु कभेक्सिननि मिक्स ड्रपनि स्टाडिनि थाखाय डिस्सिजिआइआ गनायथि होबाय। भारतनि मुलि सामलायगिरिआ बे मिक्स ड्रपनि सायाव नायबिजिरनाय गनायथि होबाय। मानोना बे मिक्स ड्रपखौ करना भाइरासनि सायाव बांसिन बान्जायजथाव महै फोरमान जानो हागौ होन्नानै रोखा गनायनानै लानाय जादों।



थानाय सानफोरव बेखौ लानानै गनायथिनि आर'ज गावदोंमोन। मख'जाथावदि, भारतआ दासिमाव मोनब्रै टिकाफोरखौ गनायथि होबाय। बेफोर जाबाय एस्ट्रजेनेका, अक्सफर्डनि कभिथिलड, भारतआवना

थियारि खालामनाय भारत बायटेकनि कभेक्सिन, रुसनि स्युतनिक बि। बेनि अनगायैबो जनसन एन्ड जनसनखौबो गनायथि होबाय। लोगोसे हादरआव बे सताहआवनाो बाथि भेक्सिन जायडस केडिलानि

भेक्सिनखौ इमार्जेन्सियै बाहायनायनि गनायथि मोनो हासिगौ। नाथाय हादरआव कभिथिलड आरु कभेक्सिनखौ बांसिनै बाहायनाय जागासिनो दड। मख'नो गोनादि, हादरआव थानाय जानुवारिनिफ्राय टिका थुनायनि हाबाफारिआ जागायो। जागायजेन्नायाव गिबियै सावसि मावसुमाफोरनो आरु बेनि उनाव बैसो गोरफोरनो टिका थुनाय जायो। दासान्दि हादरआव 18 बोसोरनि बांसिन बैसोनि गासै सुबुंफोरनो टिका थुनाया सोलिगासिनो दड। आइसिएमआरआ कभिथिलड आरु कभेक्सिननि मिक्स ड्रपनि

राजथावनि शिलंआव बमा बेरफुहोनाय जाथायखौ गिबि मन्थि सांमाआ सोंखारिदों

शिलं, 11 आगस्ट: मेघालयनि राजथावनि गोबां हांगो-दोंगो जाग्रा मोनसे हाथाइसालिआव उतखारिफोर मंगलबारखालि थरसे आइडिजों गग्लोबदों। बे जाथायाव सासे आइजोजों लोगोसे सानै जोखोम जादों। राइज्योनि गिबि मन्थि कनराड के सांमाया बे जाथायखौ सोंखारिदों। पुलिसआ केस थिसन्नानै बे जाथायाव थाफानाय दायनिगिरिफोरखौ हमनो नागिरनाय हाबाफारि लादों। पुलिसआ मिथिहोनाय बादिब्ला, मिडिया फसंथानफोरनो दैथायहसनाय मोनसे इ-मेलआव होबथाजानाय उतखारि फसंथान हन्नीवट्रेप नेसनेल लिबोरसन काउन्सिल (एइसएनएलसि) आ उदासि साननि फोबॉनि सिगां बे बेरफुहोनायखौ सिमान लादों।



खौरनि बादिब्ला, बे आइडिनि लिस्थाया 1 कि:ग्रा:मोन आरु बेखौ टाइमर लगयनानै बेरफुहोनाय जादोंमोन। गिबि मन्थि सांमाया दुइतरजों लोगोसे गावनि इन्टरनेट मिडिया हेन्डेलआव लिस्टोंदि, समबारनि सान्जोफु समाव लैतुमखरावआव आइडि बेरफुनायखौ गोखों सोंखारियो, जेराव सानै नोगोरारिफोर जोखोम जानादों। नख'र मन्थि आरु मेघालय पुलिसनि बिबानगिरिफोर आंनो खौरं होयो आरु नायबिजिरनायखौ खालामगासिनो।

सदनआव गात्रि आखु दिन्थिनानै दावराव-दावसि खालामग्राफोरनि सायाव एक्सन लानाय जागोन: भेकैया नायडु

गोदान दिल्ली, 11 आगस्ट: आबादारि आयेनफोर आरु पेगासास संगालि जेनाजों लोगोसे माखासे आयदाफोरनि सायाव बेरेखा दोलोनि एमपिफोरनि दावराव-दावसि

खालामनायनि जाहोनाव राइज्यो सभानि हाबाफारियाव लाश्रियै हेँथा सोमजिगासिनो दड। बेनि गेजेरजों दिने राइज्यो सभायाव सदननि हाबाफारिया जागायनाय लोगो लोगोनो

स्पिकार भेकैया नायडुआ दुखुयाव गोग्लैयो। बे समाव भेकैया नायडुआ थानाय मंगलबार खालिनि जाथाइखौ मख'नानै बु डोदि, जेब्ला आबाद आयेनखौ हेँथा होन्नानै

माखासे एमपिफोरा टेबोलाव जिरायो आरु गुबुन सोद्रोमाफोरा सदननि टेबुलआव गाखोयो। अब्लानो बे राइज्यो सभानि गासै गोथाम जोबो। बिथाडा बुंबावयो,



सदनाव दावराव दावसि खालामग्रा बेरेखा दोलोनि एमपिफोरा नायबिजिरनायजों मोगा-मोगि जानांगोन। सुलुडा फोरमायनाय बायदिब्ला थानाय मंगलबारखाल राइज्यो सभायाव बै समाव दावराव-दावसि जायो, जेब्ला कंग्रेसनि सासे एमपिआ टेबोलाव गाखोनानै स्पिकारनि जिरायग्रा जायगा फासँ रल बुकखौ गारहरो। बे बायदिनो खेवबा थद'नानायनि उनाव राइज्यो सभानि हाबाफारिखौ सानसेनि थाखाय दोन्थ 'नादोंमोन। बेनि सोमोन्दै राइज्यो सभानि स्पिकार भेकैया नायडुआ

बु डोदि, आं बे बाथाखौ जोबोद दुखु मोन्दोंदि माखासे सोद्रोमाफोरा गोलोम बोथोरनि सेंसनाव गात्रि आखु दिन्थिदों। बिथाडा बुंबावदों, नांथांमोननि फासँनिफ्राय जायखि जाया के सनि सायाव दान्थे-बिदान्थे जानो हागौ आरु सुबुरनआबो आलादा आलादा जानो हागौ। नाथाय जेरैबायदिदै गात्रि आखु खालामदोंमोन, बेयो दुखु नांथाव। आथिखालाव भेकैया नायडुनि बे बिबुंथि होनाय समावबो सदनआव लाश्रियै दावराव दावसिया सोलिबाय थदों।

No.BDB/15th FC-125/2020-21/935 Dated the Mushalpur 10th August '2021.

SHORT NOTICE INVITING TENDER

Sealed tender affixing a non-refundable Court fee stamp of Rs. 8.25 (Rupees eight & twenty five) only with a validity period of 180 Days, which will subsequently to be converted and drawn up in the printed of F-2 form are invited from the registered Contractors of Class-II and Class-I(A,B, & C) category of Assam PWD(Roads & (Building) and BTC, according to their eligibility for submitting tenders for the following works under 15th Finance for the Financial Year 2020-21 as stated below. The tenders will be received by the undersigned up to 12.00 Noon, on 19/8/2021 and will be opened on the same date & place at 2.00 P.M.

Sl. No.	Name of Works	Tender Amount (Approx)	Cost of Tender Paper	Time of Completion of Work
1	Const. of Irrigation Canal at Pub Bangnabari Village under 15 th Finance for the Financial Year 2020-21	10,00,000/-	300.00	6(six) Months from the date of issue of F.W.O.
2	Earth Filling and Sand Graveling from Chandra Ramchary house to Lambudhar Boro house under 15 th Finance for the Financial Year 2020-21	7,00,000/-	210.00	6(six) Months from the date of issue of F.W.O.
3	Sand Graveling of Road from Bhalaguri Chock to Uzirbari Link road under 15 th Finance for the Financial Year 2020-21	4,32,000/-	150.00	6(six) Months from the date of issue of F.W.O.


Detail N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 17/08/2021 to 18/08/2021 in the office of the undersigned on payment in the form of Demand Draft/Banker's Cheque from any Nationalized Bank, duly pledged in favour of the B.D.O. Baska Development Block, payable at S.B.I. Mushalpur. The contractor should submit attested copy of latest Registration Certificate, latest Clearance Certificate of Income Tax and Sale Tax, PAN Card, GST, along with the tenders. In case the office remains closed on tender issuing/receiving/opening date the same will be issued/received/opened on the next working day. [The successful tenderer has to be submitted 1%(One P.C.) (in case of ST/SC/OBC) and 2% (Two P.C.) (in case of General) caution money against the work in the form of FDR/DCR from any nationalized Bank duly pledge to the Block Development Officer, Baska Development Block, Mushalpur, as mentioned above at the time of allotment of work.]. The B.T.C. authority reserves the right of accepting of tender papers or outright rejection of the same without assigning any reason thereof.

Sd/-
Block Development Officer
Baska Development Block,
Mushalpur

IPR(BTC)-187/2021

निरज चप्रानि इयुन थांखिया खुंजानो गोनां वर्ल्ड सेम्पियनसिपआव बिमुं देरहानाय

गोदान दिल्ली, 11 आगस्ट: कमनवेल्थ गेम्स आरो एसियान गेम्स 2018 नि बिमुं देरहाखानायनि उनाव टकिय अलिम्पिकआव गल्ड मेडल देरहाखानो हानाय स्टर जेभलिन खुबैग्रा निरज चप्रानि थांखिया आथिखालाव फेगौ बोसोरआव आमेरिकायाव खुंफुंजानो गोनां वर्ल्ड एथलेटिक्स सेम्पियनसिपआव गल्ड मेडल देरहानाय। वर्ल्ड सेम्पियनसिपआ सोलिफु बोसोरावनो आमेरिका नि इयुगेनआव खुंजानो गोनांमोन, नाथाय महामारि करानि जाउनाव टकिय अलिम्पिकखौ



1 बोसोर दोन्थ'नायनि उनाव बेखौ 2022 आव खुंनयानि थांखि लायो। फेगौ 15-24 जुलाइ 2022 नि गेजेश्व वर्ल्ड सेम्पियनसिपखौ खुंफुं'नाय जागोन। मोनसे प्रेस कन्फरेन्सनि गेजेरजौ चप्रया गावनि एसियान गेम्स आरो कमनवेल्थ गेम्सआव

सिगाडावनो गल्ड मेडल देरहानाय आरो अलिम्पिक मेचआव गल्ड मेडल देरहानायखौ फोरमायनानै गावनि इयुन थांखिआ जानो गोनां वर्ल्ड सेम्पियनसिपआव गल्ड मेडल देरहानाय होनानै फोरमायो। चप्रया टकिय अलिम्पिकआव

87.58 मिटार जान्थार्यनि जेभलिन खुबैहरनो हानायजौ गल्ड मेडलआव गावनि मुं लाखिनो जेभलिन खुबैहरनो हानायजौ गल्ड मेडलआव गावनि मुं लाखिनो हादों। अलिम्पिकनि इन्डिभजुएल मेचआव गल्ड मेडल देरहानो हानानै टकिय अलिम्पिकआव भारतनिफ्राय सासेल' गल्ड मेडल देरहानो हानायनि रेकर्ड खालामदों। माहारियारि के म्पआव बाहागौ लानायनि सिगां चप्रया पन्चुकु लानि तारु देबिलाल स्टेडियामआव हुदा खालामदोंमोन।

नैथि टेस्टनि थाखाय टीम इन्डियानि प्लेइं इलेभेनआव सोलाय-सोल' जागोन



गोदान दिल्ली, 11 आगस्ट: इलेन्डनि हेंथायै टेस्ट मेच गेलेनाय मोन 5 मेचफोरनि टेस्ट सिरिजनि नैथि बादायलायनायआ 12 आगस्टनिफ्राय जागायजेनगोन। बे मेचनि थाखाय इलेन्ड आरो

भारतनि मोनैबो टीमआ सोलायनायजौ लोगोसे मेच गेलेगोन। सुलुनि बादिल्ला भारतनि गोखौ बल खुबैग्रा शार्दुल ठाकुरआ जोखोम जादों जेश्व इलिस बल खुबैग्रा स्टुआर्ट ब्रडआवो नैथि टेस्टनि बाहागो

जानाय नडा। भारतनि प्लेइं इलेभेनआव स्पिनार आर अश्विनआ फेफिनो हागौ। भारतीय टीमआ आगुनि मेचखौ रहित शर्मा आरो केएल रहलुजौ लोगोसे जागायजेनदोंमोन। मयंक अग्रवालआ जोखोम जानायनि उनाव रहलुनो जा खबु होनाय जादोंमोन। बियो बनि मुलाम्फाखौ लादों। आथिखालाव मयंकआ गाहाम जानायनि उनावबो अपेनिं जरयाव सोलायनायनि आसा खालामनायआ गोबां खम। नाटिंघम टेस्टनि गिबि बादायलायनायव भारतीय मिडिल अर्डरआ फुरायै जेनाआव गोलैदोंमोन। चेतेश्वर पुजार, बिराट कहली आरो आर्जिंक्य राहाणे, बिसोर

साथामबो थाबैनो आउट जादोंमोन। लर्डस टेस्टआव बिसोर गासिबो सिरिजखौ गोदानै जागायजेनो नाजागोन। थांनाय माखासे दानआव मोजां फर्मआव नुनो मोनय उइकेटकिपार रिषभ पन्तआ नाटिंघम टेस्टआवबो गोखौयै गेलेदोंमोन। नाथाय मोजाडै दिन्थिफुंनो हायाखै। शार्दुल ठाकुरआ जोखोम जानाय आरो लर्डसनि पिच स्पिनारनि मदत होग्रा जानायनि उनाव इसारा होनाय जादों। आर अश्विनआ प्लेइं इलेभेनआ फेफिनदों। रविन्द्र जाडेजा आरो अश्विननि जरआ नैथि मेचआव मोजाडै गेलेनाय दिन्थिफुंनो हागोन। इलेन्डनि टीमआ बे मेचनि थाखाय स्पिनार मइन आलीखौ लैहरफिनदों।

अलिम्पिकआव सिल्भार मेडल देरहानाय रबि दहियाआ इयुन थांखिनि थाखाय गावखौ थियारि खालामबाय

गोदान दिल्ली, 11 आगस्ट: जापाननि टकियआव खुंनय अलिम्पिकआव भारतनि मुंखौ मुंदांखा खालामनाय खमलायगिरि रबि दहियाआ भारतआव फेफिनबाय। भारतआव फेफिन3याव बिखौ गाजा गोमजायै बरायनाय जादों आरो फेन्सफोर एयारपटनिफ्राय ओंखारनाय लोगो लोगोनो बिखौ फाफिलआव देखादों। टकिय अलिम्पिकआव हादतनो सिल्भार मेडल मोनहोनाय सनीपतनि नाहरी गामिनि




थागिबि रबि दहियाआ आथिखालाव इयुननि

बादायलायनायनि थियारि खालामनायआव नांथाबदों।

रबिआ सम्मान बाउनाय फोर्बोनि समाव दिल्लीनि छत्रसाल स्टेडियमआव सौहैदों। बियो फोरमायदोंदि, गावनि इयुननि थांखिआ वर्ल्ड रेसलिं सेम्पियनसिपआव गल्ड मेडल देरहानायनि 1 सप्ताहसिम छत्रसाल स्टेडियमआवबो हुदा खालामगोन। आथिखालाव बियो 2-10 अक्टबरसिम नावैनि अरल सहरआव जानो गोनां वर्ल्ड रेसलिं सेम्पियनसिपखौ नोजोर होदों।

लियनेल मेसिआ पेरिस सेन्ट जार्मेन (पिएसजि) नि सोद्रोमा जाबाय



पेरिस, 11 आगस्ट: सुपरस्टार स्ट्राइकर लियनेल मेसिआ पेरिस सेन्ट जार्मेन (पिएसजि)आव थाफादेरनो

थाखाय गनायथि लानायनि उनाव फ्रान्सआव दावबाय हेंगोन। सुलुनि बादिल्ला आर्जेन्टानि बे मुंदांखा

गेलेगिरिआ पिएसजिजौ लोगोसे 2 बोसोरनि रादाय खादों, जायखौ आवगाय गोबावनो हागौ। मेसिआ बोसोरफ्रामबो 35 मिलियन इउर (4 आरब रॉ) मोनगोन। बार्सिलनाजौ रादाय खानायनि उनाव मेसिया फुटबल जारिमिनआव माबेबा क्लाबनि थाखाय सोद्रोमा जानाय बयनिखुइबो देरसिन गेलेगिरि जादों। पिएसजिनि कच मौरिसियन पचेटिनआ बार्सिलनानिफ्राय आलादा जानायनि उनाव मेसिजौ सोमोन्दो लादोंमोन। स्पेनिश

लीग ला लीगानि गोदान सिजेनआव 14 आगस्टनिफ्राय जागायजेनगोन, नाथाय 17 बोसोरनि उनाव गिबि खेब मुंदांखा गेलेगिरि मेसिआ बेनि बाहागो जानाय नडा। मेसिआ ला लीगाआव बयनिखुइबो बांसिन गल सोनो हानाय गेलेगिरि। 2004 नि उनाव बार्सिलनानि टीमआ गिबि खेब मेसि गैयालासे मेचखौ गेलेगोन। मानोना रांखान्थि खैफोदिनि जाहोनाव टीमआ आर्जेन्टानि गेलेगिरिजौ गोदान रादाय खानो हायाखै।

रंजालि गथ' फोरनि सौरा

मिथिंगा

बे बुहुम बिखायाव
गोजौ गाहाय हायेन,

मिथिंगा बिखायाव
जेरैबो सोरगिदि बेंखननाय।

नायोब्ला बेसे समायना
बे मिथिंगाया,

जेरैबो दैमा, दैसा,
जिरि जिरि बोहैबोनाय।

बिफां लाइफांआव बाना
दाउसिन दाउलाया मेथाय रोजाबसै

गोसोनि हाबिलाया रिंखांफैसै
अरायबो दाउसिन दाउलानि मेथाय खननाया।

बे बुहुम मिथिंगायावनो,
गोसो खुसियै, गथ-गथाया रंजाबावदों

लावखार गथफ्रा मैसोनि बिबुआव

गाखोना सिफु सुनानै मिथिंगा बिखायाव रिसारहोदों।

नाथाय अरायबो गोजौनै मानसि माहारिआ

बे मिथिंगायाव आलो गोजौनै रायजो जादों

अरायबो गोसोनि हाबिलाया बेरखांफैदों

नाथाय गोजोन खौसैयै थालायदों।

बेरे सिखिरिया, बिबाव बिदै सोबदों,

नाथाय बिसोरनि गोमो गोथां

गाबा मिथिंगायाव समायफलेदों

नाथाय जेरैबो बिफां लाइफां, हाजो-हायेनजौ

बे मिथिंगा बिखाया समायफलेनाय।

मुप्ति असिन्त बसुमतारि

गामि-खासापुर, हालां बाजार।

खौसेनि आगान

खोमसि मुलुगआ सोरां जाबोगौ हनै
अखानायसि सोरांनि बारा बारबोगौ,
माबा रादाव लानानै फेगौ जौनि फासै
फुंबिलिनि गोजोन बारआ।

खोमसिनि सिगां सोरांनि लामाजौं
आवगायबो बयबो हारिनि सुबुं
दागि-दागि रावबो रावखौबो दागि
दानि मुगायाव गिनानै थानायनि सम गैलिया।
समा सौबाय बोथोरा सौफैबाय बयबो सुबुंआ
हारिमा-हारिसा फोलेर दानायनि फारि जाबाय।
जान्जि खाफ्रा, बिखा फोदान, सुधुरा फेगौ हनै
जौनि मोखां फासै हान्जा-हान्जा।

हारि-माहारि बयबो सुबुंआ
खौसे जानानै सुधुरनि सिगां
आवगायबो आखाइयाव हाथियार दैना।
खौसेनि आगानखौ खोमोरना
साफा-फारफा आगान सुराब्ला
नुजागोन हारियाव अलखद समा।
हिंसा नि लामाखौ नागारनानै
अहिंसा लामाखौ लायाब्ला
जानोसै हनै हारिया फोरसा-फोरसि।

खौसेनि आगानखौ सुराब्ला
जोबसां बोगौ हनै जौनि हारिया
सुधुरनि आखाइयाव फारि-फारि।
हिंसानाय गोसोखौ नागारना
अहिंसा गोसोखौ बोजबना
माबारै सुधुरनि सिगां फासै
आवगायनि फे जौं बयबो बर' हारि
खौसेनि आगान होदिनि मुलुगाव अराय।

मुप्ति रमेश चन्द्र बल्ल

केप्टेन बिराट कहली आरो गाहाय कच रबि शास्त्रीनि लामाया आलादा जासिगोन



गोदान दिल्ली, 11 आगस्ट: भारतयारि क्रिकेट टीमनि गाहाय कच रबि शास्त्रीआ टीमनिफ्राय थाबैनो जानगारसिगोन। सोलिफु बोसोरवनो भारतनि दैदेनायाव आइसिस टी-20 वर्ल्ड कापनि

बादायनाया इउएइआव खुंजागोन। सुलुनि बादिल्ला, खुंजानो गोनां टी-20 वर्ल्ड कापआनो शास्त्रीनि जोबथा टुनांमेन्ट जागोन। मख 'नो गोनांदि, आगुनि भारतयारि

मुंदांखा गेलेगिरि रहलु द्रविडुनि मुंखौ गाहाय कचनि महरै लानाय जादों। टीम इन्डियानि गाहाय कच शास्त्रीनि हाबा मावनायनि समाय सिमनाया सोलिफु बोसोरवनो खुंफुंजानो गोनां आइसिस टी-20 वर्ल्ड कापनि उनावनो जोबगोन। सुलुनि बादिल्ला, बर्डनिफ्राय बिथांनि रादाय खानायखौ आवगायहोनो गोसो जायाखै। गुबुनथिं बिथांनि जायगायाव भारतनि स्टर रहलु द्रविडुनि मुज गाहाय कच महरै बयनिबो सिगाडव दड। श्रीलंकासिम दावबायनाय भारतयारि टीमजौं लोगोसे बिथांखौ गाहाय कच महरै दैथायहरनाय जादोंमोन। खौरडव फोरमायनाय बादिल्ला,

गाहाय कचनि रादाय जोबनानै फेनायनि उनाव बिथाडा भारतयारि टीमनिप्राय जा न गारिसिगोन। बिबानगिरिफोरनिमिम बिथाड बे बिबाननिफ्राय जानगारनो लुगैनायनि बाश्रा फोरमायदों। भारतयारि टीमआ आथिखालाव इलेण्डनि हेंथायै टेस्ट सिरिज गेलेगासिनो दड। फेगौ अक्टबर-नभे म्बरआव भारतयारि टीमआ टी-20 वर्ल्ड काप गेलेगोन। 2014 आव शास्त्रीआ भारतयारि टीमआव डिरेक्टर महरै बिबान सामलायनानै 2016 आव जानाय टी-20 वर्ल्ड कापसिम बे बिबानावनो हाबा मावदों।

आइजो खमलायगिरि बिनेश फगाटखौ सास्पेन्ड खालामबाय

गोदान दिल्ली, 11 आगस्ट: अलिम्पिकआव सनानि मेडेलनि दाबि दैखांगिरि महरै थौनाय बिनेश फगाटआ गावनि मोजाडै दिन्थिफुंनो हायैनि जाहोनाव मेडल देरहानो हायाखै आरो टकियआव गावनि गाञ्जि आखुनि जाहोनाव होबथा जानाय जौबो भुगिनादों। भारतीय कुस्ती महासंघ (डब्लिउएफआइ) आ बुदों बिखौ टकियआव मोजां आखु दिन्थियैनि जाहोनाव अरायथा नडै महरै सास्पेन्ड खालामनाय जादों। गुबुन सासे खामलायग्रा सनम मालिकनोबो गाञ्जि आखु दिन्थिनयनि थाखाय नटिस दैथाय हरदों। बिनेशनो नटिसनि फिनाय होनो थाखाय 16 आगस्टसिमनि समखौ होनाय जादों। हारियानानि बिनेशनि सायाव आयेन आबुथिखौ फालियैनि मोनथाम दाय जाबसिन्दों। बियो गेम



भिलेजआव थानाय आरो भारतीय टीमनि गुबुन सोद्रोमाजौं लोगोसे ट्रेनिं लानायखौ नेवसिगारदोंमोन। बेनि अनगायै बियो भारतीय दोलोनि मावख'यारि महरै बाहायनाय शिव नरेशानि खसाबखौ गानआ लासे मेचनि समाव नाइकीनि खसाबखौ गानदोंमोन। डब्लिउएफआइनि

लानो मोन्नाय नडा। जेब्ला टीमनि बनि लोगोफोर सनम, अंशु मालिक आरो सिमा बिश्वासनि खाथिनि रुमखौ होब्ला बिनेशआ बुंदोंदि, गावनाव करना इनफेक्सन जानो हागौ, मानोना बिसोर खमलायगिरिफेरा। भारतनिफ्राय टकियआव फेदों। बिनेशआ बिसोरजौं लोगोसे ट्रेनिं लायाखै। बियो हांगेरिनिफ्राय टकियआव सौहैदोंमोन। टकियआव थांनयनि सिगां सनमनि नखरा डाबिलउएफआइनि मावख'निफ्राय पासपर्ट लानांमोन। नाथाय बियो साइ बिबानगिरिफेराखौ गावनि थाखाय पासपर्ट लाबोनो बिथोन होदों। जेब्ला बे बाथाखौ महासंघआ मोनथिनो मोनो अब्ला बिनो नटिसखौ दैथाय हरदों।

बड'लेण्ड मावफारिया आफादन गिबि गायसन्थाय साज फालिदों

मुसलपुर, 11 आगस्ट: बि टि सियाव साखि मावनाय सा 15 रोजा सरकार मावफारियाफोरनि मोनसे जौसां बड'लेण्ड मावफारिया आफादन गिबि बोसोरारि गायसन्थाय साखि दौने बाक्सा जिल्लानि बरमाआव सासनसिने हाबाफारिजौ खुंफुंलाडे। बरमा बाथौ आसम गोजौ फरायसालिनि बादायाव खुंफुंनाय गायसन्थाय सासन हाबाफारि बादियै बड'लेण्ड मावफारिया आफादन गिबि फ्रिफलाखौ बिरहोयो आफदगिरिदिपक कुमार रामसियारीआ। आफादन रंसारि जालानाय मावफारियाफोरनि गोसोखांथियाव गोसोखां खाम्फायाव



बिबार बाउजेनो आफादनि नेहाथारि नबिन कलिताआ। बेनि उनाव बिफां फुलि गायनाय हाबाफारिखौ बेखेवनाने होयो बि टि सिनि ना आरो जुनात फिसिनाय बिफाननि मावफुं सोद्रोमा गेकेस ब्रह्मआ। सासनि समाव खुंफुंनाय सावरयमेलखौ बेखेवनाने होयो बाथौ आसम गोजौ

फरायसालिनि गहाय फोरंगिरि महन स्वरगियारीआ। सावरय मेलाव गहाय सावरयगिरि महरै बाहागो लानाने बरमा गोजौसिन गेजेर फरायसालिनि बारा' गोरायु बिद्यासागर रामसियारीआ मावफारियाफोर गारविन मावबिबानखौ बुजिनाने साखिनि मोनसे गोनांथार जोन्थोर महरै हेफाजाव होनो खावलायहरो। दानआरि दान बन्थायावल' नंथावनाने थायालाय मोननांगौ मोन्थायनि थाखाय खौसे जानाने मावफारिया समाजा खौसे महरै सिगांलाडेब्लासो सोमजिनाय जेनाफोरखौ गोरलैयैनो बोखानो हायो होन्नाने बिथाड फोरमायो।

तामूलपुरआव केन्सार बेरामजों भुगिनांनाय गथ 'सानि नखरनो गिबि मन्थ्र अनसुंथाय फुन्जिनिक्राय चेक गथायदों

तामूलपुर, 11 आगस्ट: तामूलपुर महकुमानि सिडव थानाय कसुकुकाता गामिनि मोनसे गोब्रव बेरामजों भुगिनांनाय सासे ब्रे बोसोरनि गथ'नि फाहामथायनि थाखाय गिबि मन्थ्र अनसुंथाय फुन्जिनिक्राय 25 रोजा रनि चेकखौ दिने गथ'सानि नखरनि सोद्रोमानि आखायाव गथायनाने होयो बि टि सिनि थिसनजानाय एम सि एल ए हेमन्त कुमार रभाआ। मख'नो गोनांदि कसुकुकाता गामिनि बिपिन रभा आरो प्रनिता रभाणि सासेल' फिसाज्जा अनर्ब ज्यति रभाणि आगदानि मेपना नै बोसोर बैसोनिप्रयनो मोनसे सिनायनो हयै

बेरामाव गोरलैदों मोन। गथ'सानि दिथागिरिआ गिबि थासारियाव गथ'सानि सरासनखा महरै फाहामथाय होदोंमोनब्लाबो जेबो फिथाय मोनाखेंमोन। उनाव मेगननि बेराम रंंगोसारनो दिन्थिनायाव गथ'सालि मेगना केन्सार बेरामजों सागलोबजानाया रेखा जायो। सरासनखा महरै आबाद मावनाने खुनुरोखीम नखर खांबोनाय रंनि रभाआ। गथनसनि फाहामथायनि मुडव न'नि सम्फतिकोरखौ फान्नो गोनां जादों। गुवाहाटी शंकरदेब नेत्रालय देहा फाहामसालियाव फाहामथाय लाबाय

थानाय गथ'नि जौगा फाहामथायनि थाखाय गोबां रनि गोनांथि जादों। बि टि सिनि थिसनजानाय एम एल ए हेमन्त कुमार रभाआ बेनि बागै खौरं मोनयनि उनाव गिबि मन्थ्रनो गथ'सानि बेरामिनि बागै फेरमायथिनाने होयो। एम सि एल ए हेमन्त कुमार रभाणि खावलायहरनाय बादियैनो गिबि मन्थ्र अनसुंथाय फुन्जिनिक्राय खुनुरोखीम नखर खांबोनाय रंनि रभाआ। रनि अनसुंथायखौ होनाय जायो। दिने गथनसनि न'आव नुजाथिहैनाने एम सि एल ए हेमन्त कुमार रभाआ गिबि मन्थ्र अनसुंथाय फुन्जिनिक्राय 25 रोजा रनि गांसे

चेकखौ गथायनाने होयो। गिबि मन्थ्र ड हिमन्त बिश्व शर्माजों सावरयलायनाने गथ'साखौ आबुं महरै गोखों खालामफिनो थाखाय जौगा फाहामथायनि रहाबो खालामनाय जागोन होन्नाने बिथाड बोसोन होयो। चेक गथायनाय हाबाफारियाव एम सि एल एजौ लोगोसे ओन्सोलनि गामिबेगिरि दयारम मदाही, गाम्थोबार पि सि डि सिनि लेडइ मासिगिरि लक्षेरर रभा, कसुबारि बुथ कमिडिनि आफादगिरि मनेस्वर दास, अतुल दासजों लोगोसे बि जे पिनि माखासे दैदनगिरिफोर बाहागो लादोंमोन।

(□ 1 बिलाइनिक्राय)

(□ 1 बिलाइनिक्राय)

(□ 1 बिलाइनिक्राय)

आसम पुलिसआ सिक्किमनिक्राय आरोबाव चिरांनि सा 13 गथ 'फोरखौ उदां

खामानियाव थिसनहैदों। दिने उदां खालामनो हानाय सा 13 गथ 'फोरनि गेजेरव सा 6 हौवासा आरो सा 7 हिन्जावसाफोर दं। बिसोरखौ लांखारनायाव कृष्णा जगिनि सासे सुबुड गहायै लोब्बा दं। कृष्णा जगिखौ सोनाय फिन्यानि जेर खालामनायनि गेजेरजौ पुलिसआ सिक्किमनि गुबुन गुबुन नख 'रफोरव खामानियाव थिसनजानाय गुबुन सा 13 गथ 'फोरखौ उदां खालामनो हाबावदों होन्नाने चिरां जिल्लानि डि एस पि लब' कुमार देकाआ फोरमायदों। मख'नो गोनांदि, आसम पुलिसआ थानाय 23 जुलाइखालि सिक्किमआव लांखारजानाय चिरां जिल्लानि सा 42 गथ 'साफोरखौ उदां खालामनो हानायनि उनाव दिने फिन गुबुन सा 13 गथ 'साफोरखौ उदां खालामनो हाबावो। □

कक्राझार जिल्लानि दाब-दाब गामिफोरव दुखुथिया गोरिब नख 'रफोरव नुजाथि हैदों बि

जेनाफोनि सायाव सावरयलायो। नात्रितपारा गामिनि लकिरम मुमुनि नख 'रव नुजाथि हैनाने बिथां प्रमद बर' आ नख 'रनि गोब्राव जेना थासारिनि बागै सुलाद लानायनि उनाव नात्रितपारा आरो खाथि-खाला गामिनि सुबुफोरजों जेना-जौसि आयदानि सायाव उदाडे सावरयो। लकिरम मुमुनि नख 'रनि थासारिया जोबोद गात्रि हिसावै बिथांनि गथ 'फोरनि थाखाय सोलौंथाय होनायाव हेफाजाव खालामनो आरो पि एम ए वाइ न' लुफुंनाने होनो खोथा होबोयो। बेनि उनाव बिथां बर' आ थानाय 2006 माइथायनि 9 एप्रिल दानाव रजखान्थियारि दाडबाजियाव अब्धिरयै जिउ गोमानांनय जायनारि ओन्सोलनि सेनागुरि गामिनि लैथोमा बरगयारिनि नख 'रव नुजाथि हैनाने नख 'रनि सोद्रोमाफोरजों दान्दिसे सावरयलायो। जिउ गोमानाय लैथोमा बरगयारिनि बिसिजों लोगोसे साने फिसाज्जाफोर महर सोरां बरगयारि, पाहार सोरां बरगयारि आरो सासे फिसाजो संगालि बरगयारिनि इयुन जिउनि गोजोन हास्थायनाने बिसोरनि नख 'रनि थाखाय बि टि आर सरकार गसंथानो खोथा होयो। बेनि उनाव बालागाविनि साखाथि बासपारायवबो बिथां प्रमद बर' आ माखासे गोरिब थाखोनि नख 'रफोरव नुजाथि हैनाने जेनाफोरनि बागै सुलाद लायो आरो दुखुथिया गोरिब नख 'रफोरव न' लुफुंनाने होनाय आरो गोमगो लोंग्रा दै जगायनाने होनायनि खोथा होयो बिथां प्रमद बर' आ।

बुक्लियावनो खौरंगिरिनि सिगाडव बि टि आरनि गहाय प्रमद बर'आ फोरमायथियोदि, बि टि आर हालामनि गोरिब दुखुथिया सुबुफोरनि जेनाखौ बुजिनो आरो बिसोरनि जेनाफोरखौ बोखानायनि रहा लानो थाखाय दाब-दाब गामिफोरव दाबबायनायनि हाबाफारि जागायदों। बेबायदिनो दर ब्रैबो जिल्लानि गामिफोरव बयनिखुडबो गोरिबसिन थाखोनि न' बां गैजायै, लोंग्रा दैन रहा गैयै आरो सरकार बिथांखिफोरनिक्राय जानागारा थाबोनांनय नख 'रफोरव हाबानाने बिसोरनि जेनाखौ खौरं लानाय जादों। जाहाथे बिथांमोननो सरकारनि फारसेनिक्राय न' गैजायैफोरनि न' लुफुंनाने होनाय आरो लोंग्रा दैन रहाखौ जगायनाने होनो हायो।

बिथाडा दाजबानाने बुंबावोदि, फैगौ 16 आगस्टनिक्राय 2 अक्टबरसिम बि टि आरनि साफ्रोमबो इ एम-जि एमफोर सासनफ्रोमबो गं 5 गोरिब दुखुथिया नख 'रफोरव दाबबायनाने सुलाद लागोन। 2 अक्टबरव बि टि आर खुंथायनि गासै बिबानगिरि आरो गासै बिफाननि गहाय बिफानारिफोरजों सावरयलायनयनि आरे रंसारि फैगौ सम्फोरव जेना बोखानायनि सायाव मोनसे थि थांखि लागोन। बि टि आर हालामनि साफ्रोमबो गोरिब दुखुथिया नोगोरारिफोरनो सरकारि न' आरो गोमगो लोंग्रा दै जगायनयनि रहा लागोन होन्नाने खौरंगिरिनि सिगाडव फोरमायथिबावो बि टि आरनि गहाय प्रमद बर'आ। □

गामि ओन्सोलनि समाजारि-रंखन्थियारि जौगाहोनाय आरो लामा फोजौखांनायाव पि

समाजारि-रंखान्थियारि जौगाखांहोनायाव पि एम जि एस वाइनि बिफाव आयदाखौ लानाने दिने मोनसे गोनां सावरय मेल खुंफुंनाय जादों। चिरां (रड एन्ड बिल्डिं) डिभिजननि पि डाब्लिउ डि बिफाननि एग्जिकुडिउथि इन्जिनियर अबनि शर्माआ दिनेनि बे सावरय मेलयाव बेखेवनायजों लोगोसे गाननि बिबुंथि लाखिनया समाव हादतयाव आजादि का अमृत महात्सव खुंफुंनायनि थांखिनि बागै रोखायै बुंफोरना होनायजों लोगोसे बिथाड चिरां जिल्लयाव पि एम जि एस वाइनि खामानि मावनयनि दाथाय आरो थासारिनि सायाव फोरमायथिनाने होयो। बिथाड बाखालायनाने बुंबावोदि, जिल्लयाव पि एम जि एस वाइ बिथांखिया बेखेवजानाय समनिक्रायनिक्रायनो बे बिथांखिखौ आबुडै मावफुंनायनि थांखिजों पि डाब्लिउ डि बिफानआ जिल्लानि गामियारि ओन्सोलनि दर 230 गामिफोरव लामा फोनांजाव रहा खालामनाने होदों आरो बे बिथांखिनि गेजेरजों गामियारि ओन्सोलनि दर 69 गामिफोरव लामा फोनांजाव लुफुंथाय मावबावनांगो दं। बे बिथांखिखौ मावफुंनायनि गिबि खोलोबयाव चिरां जिल्लयाव 531.319 कि.मि: गोलाव लामा लुफुंथायनि गोनांथरि मोनथरि मोनथरि मोनथरि गेजेरव गं 45 दालांफोरखौ लाफानाने 530.402 कि:मि: गोलाव लामाखौ आबुडै लुफुंदों।

बेबायदिनो नैथि खोलोबयाव 25.065 कि:मि: गोलाव लामाखौ फोजौखानाया एबा लुफामनायनि थाखाय बिथोन होनाय जादोंमोन। बेनि गेजेरव 24.87 कि:मि: लामाखौ मावफुंबाय आरो आद्रा थानाय खामानिया सोलिगासिनो दं होन्नाने बे सावरय मेलयाव फोरमायथियो इग्जिकुडिउथि इन्जिनियर अबनि शर्माया। बे हाबाफारियावनो आसाम पि डाब्लिउ डि बिफाननि उफ्रा चिफ इन्जिनियर चन्दन शर्माआ बाहागो लानाने राइज्योनि गामियारि ओन्सोलयाव जौगाखांहोनाय, बिथांखिफोर मावफुंनाया आबुं महर मोनयनि गोबां बिदिन्थि, गामियारि लामा लुफुंथायनि थाखाय गोदान बिरोंदामिन बाहायनाय, लामा लुफुंथायनि थाखाय सामलायथाय आरो नोजोर लाखिनय, लामा सायख'नाय बायदि बिथिडव प्रधान मन्थ्र ग्राम सडग यजनानि बिफाव एबा बिहोमानि बागै बुंथियो। हाबाफारियाव बाहागो लानाने काजलगाव मिउनिस्पिल बर्डनि मासिगिरि रोनगारा नाजार्गिआ सरकारि बिथांखिफोरनि गाइडलाइन आरो बिथोन बायदियै गामियारि ओन्सोलनिक्राय राइजो-रजाफोरनि मुलाफ्फानि थाखाय मोनफ्रोमबो जौगाखां खामानिफोरखौ गोबाव सम जोरथायनि थाखाय मावफुंनो आरो जायखि जाया लामा लुफुंथायखौ मोजां गुनजों मावफुंनो पि डाब्लिउ डि बिफाननि मावख'गिरि आरो टिकादारफोरखौ खावलायो।

एरहाय चिरां जिल्ला बेंगिरि नरेन्द्र कुमार साह'आबो गाननि बिबुंथियाव पि डाब्लिउ डिनि मोनफ्रोमबो लुफुंथाय खामानियाव गोदान बिरोंदामिन आदब बाहायनायखौ गोनांथि होनाने चिरां जिल्लानि गामियारि ओन्सोलफोरव लामा फोनांजावनायनि बिथिडव पि एम जि एस वाइ बिथांखिया मोनसे गोदान जांखिथाय लाबोदों होन्नाने बुंथियो। लोगोसे जिल्लयाव पि एम जि एस वाइ बिथांखिनि खामानिफोरखौ जाफुंसारे मावफुंनो हानायाव जिल्ला पि डाब्लिउ डि बिफाननि मावख'गिरिफोर आरो टिकादारफोरखौ बाखायो।

दिनेनि बे सावरय मेलयाव चिरां जिल्ला बेंगिरि नरेन्द्र कुमार साह', बि टि सिनि लेडइ बुंथिगिरि अबराम महानाइक, एम सि एल ए साइख बसुमतारि, प्रदिप कुमार बायन, उफ्रा जिल्ला बेंगिरि अजित कुमार शर्मा, काजलगाव मिउनिस्पिल बर्डनि मासिगिरि रोनगोर नाजार्गि, बिजनी मिउनिस्पिल बर्डनि मासिगिरि गुनेश्वर गयारिमोहन हांखिया जानाय आलासि महरै बाहागो लादों। □

उदांस्त्रि सानजों लोब्बा लाखिनाने तामूलपुर महकुमा खुंथाया बायदि

गेजेर फरायसालि आरो फरायसालिमानि 11 आरो 12 थाखोनि फरायसुला-फरायसुलिफोरनि थाखाय उदाडे दोन्नाय बे बादायलायनायाव फैगौ 12 आगस्टसिम बाहागो लानो हागोन। बादायगिरिफोर हादोर उदांस्त्रिनि सोमावसारनाय समनि हादोर अनफावरि मेथाइ खननो नांगोन। हादोर अनफावरि मेथायखौ 2-3 मिनिटिनि गेजेरव फोजोबनो नांगोन। गुबुन फासैथिं हादोर अनफावरि मेथाइयाव दामजु बाहायनो मोनगोन। सावगारि बोनाय बादायलायनायाव भारतनि जारिमिन आयदानि सायाव सावगारि बोनांगोन। गुबुन फासैथिं राइथाय बादायलायनायाव भारत उदांस्त्रिनि सोमावसारनायाव आसामनि अबदान आयदानि सायाव राइथाय सुजुनांगोन। मोनफ्रोमबो दालाइनि बादायगिरिफोरनो 1. बादायलायनायनि मुं, 2. बादायगिरिनि मुं, 3. फरायसालि-फरायसालिमानि मुं आरो 4. थाखोनि मुंखौ फोरमायथिनाने 86380-44485 हवात्सएफ नम्बरव फैगौ 12 आगस्टनि गेजेरव मोननो हानाय बायदियै दैथायहरनो खावलायहरनाय जादों।

चिरांनि आथियाबारिआव सारअन्थाइ गानायाव साने सुबुंनि जिउ खहा

खहा जानायजों लोगोसे सासे सुबुड जोखोम जायो। लोगोसे बे सारअन्थाइ गानायावनो नखरनि मासे मोसौनिबो जिउ गोमायो। मख'नो गोनांदि आफं आसामनि गुबुन गुबुन जायगानों लोगोसे चिरां जिल्लानि सिदलो ओन्सोललाखौ थानाय मंगलवारखालि हरनि समाव सारअन्थाइ गानायजों लोगोसे रेजा अखा हादोंमोन। बेनि गेजेरवनो हरनि खमैबो 1 रिगासो समाव सारअन्थाइ गानायाव न'आव उन्दुनाने थानाय जुगल मुमुनि फिसाजो मुजमनि मुमुं (51) आरो थेना मुमुं (11) मुनि साने सुबुड जायगायावनो जिउ गोमायो। गुबुन फासैथिं बे सारअन्थाइआवनो गुबुन मोनसे ख'थायाव उन्दुनाने थानाय राम मुमुं (85) मुनि सुबुड आथिडव जोखोम जायोब्लाबो खुनुरोखोम जिउ रैखा मोनो। लोगोसे बे सारअन्थाइ गानायावनो नखरनि मासे मोसौआबो जिउ गोमायो। बे जाथायानि उनाव आथियाबारि ओन्सोलाव दुखुनि सायखं सागलोबो। ओन्सोलनि सुबुंफोर नखरनो थाबैनो 10 लाख रनि अनसुंथाय होनांगोनि थाखाय सरकारनिसम दाबि दैखाडे। गोथै सहफोरखौ दिने पुलिसआ काजलगावआव थानाय जे एस बि देहा फाहामसालियाव परस्ट मटेम खालामखानायनि उनाव नखरनो गथायनाने होयो।

साहित्य अकाडेमिआ मुलुगानि थावनिगारि सुबुंफोरनि माहारियारि सान फालिदों

खोनसंगिरिफोरनि सिगाडव बुंथियो, बेनो जाबाय रावखौबो नागारलाडखे: थावनिगारि सुबुंफोर आरो मोनसे गोदान गोरोबथानि खावलायनाय। बिथिड आदिबासिफोरखौ हानि गुबै दोरोडरि आरो हारिमुवारि बाहागो महरै मख'यो। रावआ जाबाय मोनदांथि आरो साथैखौ दैवथिग्रा जायनि थाखाय थावनिगारि खन्थाइफोरखौ बे फालिथायनि थाखाय सायख'नाय जादों होन्नाने बिथाड बुंथियो। बे हाबाफारिनि माननि आलासि ड० आर रमेश आर्य, बन्जारा रवनि मुदांखा स्कलरआ बे हाबाफारिखौ बेखेवनाने होदों। बिथाड आदिबासि जिउखौ सरसनखा आरो गोरलैयै थाना थानाय नेमखान्थिनि सायाव सोनारखा होन्नाने मख'यो। बिसोरनि थुनलाइआ बांसिने खुगा-खुगा सोलिग्रा आखुथायजों दाजानाय। बेयो मिथिगानि गोथौ दाहा आरो मिथिगानों खाथि सोमोन्दो गोनां। गाननि बिबुंथियाव ड० चन्द्र सेखर कम्बरआ समाजारि सुबुंथिनि जागायजेनायनिक्राय हागा आरो नोगोनि गेजेरव गोनांथरि मोनथरि मोनथरि होन्नाने मख'यो। बिथाड बृत्तिशफोर भारतनि जनजाति हारिमुनि सायाव नायबिजनयनि बागैबो फोरमायथिबावो। आदिबासि हारिमुआ बेनि गुबै बाहागो आरो बेसेन गोसा। सादा-सिदा निस्थारआनो बिसोरनि गुबै आखुथाय। नाथय जनजातिफोर दुलाराय मुलुगयाव गोदानारि थासारिजों गोहोम खोखैजानाय होन्नाने बिथाड बुंबावो। फोजोबनाय बिबुंथियाव साहित्य अकाडेमिनि लेडइ आफादगिरि ड० माधव कौसिकआ आदिबासि सुबुंफोरनि सरसनसाथिनि सायाव बिबुंथि लाखियो। बिथाड आदिबासि सुबुंफोरनि थॉजेडै सानाय रहानि सायावबो गोनांथि होयो। बिथाड खन्थाइ फरायथिनाय बुक्लियाव आदिबासि मुनि गाननि दोंसे खन्थाइखौ फरायथिनाने होयो। मुदांखा खन्थाइगिरिफोर जैरे-सुनिल गाइकवाद (भिली), सैरम नाग (देरुप), कुमुदा बि (हाकिफिक्क), सिट्टमलेट डकार (खासि)आरो कनप' कनसक रिगजेन (लाढाकि) मोनहाबो गावबा-गाननि खन्थाइफोरखौ हिन्दी/ इंग्रजीआव रव सोलायनाने फरायथियो। साहित्य अकाडेमिनि सान्यायारि ओन्सोलनि ओन्सोलारि नेहाथारि ड० देबेन्द्र कुमार देबेसआ जोबथा बिबुंथिजों साबायख'र बाउवो।

बे हाबाफारिनि गिबि जथुम्माखौ बर' एडभाइजारि बर्ड'नि लिंथुमगिरि आरो मुदांखा बर' खन्थाइगिरि ड० अनिल कुमार बर'आ मासि सामलायदोंमोन। बे जथुमयाव मुदांखा ट्राइबेल खन्थाइगिरिफोर जैरे-चन्द्र सते आइमल (आइमल), येसे नामग्याल भुतिया (भुतिया), सिफ कुमार पान्दे (हालबि), लेनबन काबुइ (काबुइ), दिरा मिना (मिनि), सनाल राथिभि (राथिभि), दर्जि लुनप' (मनपा) आरो महम्मद आहमेद तादाभि (तादाभि) मोनहा गावबा-गाननि खन्थाइफोरखौ हिन्दी/इंग्रजीआव रव सोलायनाने फरायथियो।

बरमाआव रन्जन दैमारीखौ उदां खालामनो दाबिनाने सोमावसारदों

खालामनो दाबि दैखाडे। बारा' एन डि एफ बिन सा 100 निबो बांसिन सोद्रोमाफोर आखाइयाव प्लेकार्ड लानाने रन्जन दैमारीजों लोगोसे जोबनाने दोनजानाय गुबुन सोद्रोमाफोरखौ थाबैनो उदां खालामनांगो, एन डि एफ बिन सोद्रोमाफोरनो गावसुंथा होनांगो, बि टि आर गोरोबथानि दफाफोरखौ मावफुंनो गो बायदि बायदि स्तगानजों सोमावसारगिरिफोर बरमा सोहोरखौ सोगोमखं होयो। बे हाबाफारियाव एन डि एफ बि अन्साइ आफादन लोगो रंखाथियारि नेहाथारि जगेन बसुमतारिआ बाहागो लानाने बि टि सिनि गहाय मावफुं सोद्रोमा प्रमद बर' आरो लेडइ गहाय मावफुं सोद्रोमा गबिन्द बसुमतारिखौ गोखों रावजों सांखारिनाने एन डि एफ बिन जेनाफोरखौ सुखानायनि बिथिडव बिसोर साने दैदनगिरिफोर जेबो गोनांथि होयाखै होन्नाने अजद दैखाडे। बारा' एन डि एफ बिन दैदनगिरिया फैगौ 15 आगस्टनि सिगां रन्जन दैमारीखौ जोबथेसालिनिक्राय उदां खालामाब्बा लांथियै सोमावसारनाय हाबाफारि लागोन होन्नानेबो हुमखि होयो। गुबुन फासैथिं बि टि आर गोरोबथानि सासे मुंसाइगिरि एबा एन डि एफ बिन गायसनगिरि आफादगिरि रन्जन दैमारीखौ उदां खालामनांगोनि दाबिखौ लानाने गुबुन बर' आफादफोरबो गोखों हाबाफारि लादों। दिने बाक्सा जिल्लानि बरमाआव बर' पिपुत्सुम कमिटि फर फिस इनिस्सियेटिभ आरो बर' उमेन जास्टिस फरमनि जुथाय बान्जायनायाव मोनसे खौरंगिरि मेल खुंफुंलाडे। बे खौरंगिरि मेलाव मोननैबो आफादनिक्राय बि टि आर गोरोबथानि गुबुन सासे मुंसाइगिरि एबा एन डि एफ बिन गायसनगिरि आफादगिरि रन्जन दैमारीखौ थाबेनो जोबथेसालिनिक्राय उदां खालामनो दाबि दैखाडे। एन डि एफ बिन गायसनगिरि आफादगिरि रन्जन दैमारीखौ गोजोन गोरोबथानि फासै मान होनाने एन डि एफ बिन गासैबो सोद्रोमाफोरनो गावसुंथा होनांगोनिबो दाबि दैखाडे मोननैबो आफादफोर। बे दाबिफोरखौ थाबैनो सुफुडब्ला फैगौ समाव थासारिया गुबुन मोनसे महर लागोन होन्नाने मोननैबो आफादा हुमखि होयो। बेनि अनगायैबो बर' आरो ट्राइबेलफोरनि जौगाथाय आरो संबिजिरारि मोन्थाय होनांगोनि दाबियाव थाद'नाय गैयाजासे सोमावसारनायाव लोब्बा थाबोनाय गोबां सुबुंफोरा एम एल ए महरै आसम बिधान सभासिम बिसायख' जानायव बर' आरो ट्राइबेलफोरनि जेनाफोर सुखानायाव गोखोडे दावगागोननि मिर्जिथिनो हायो। बेनिखायनो बर' आरो ट्राइबेलफोरनो संबिजिरारि मोन्थाय आरो सैरखाथिनि बिथिडव जाहाथे सायख'जानाय ट्राइबेल सुबुं थान्देफोर नेवसिगारा बेनि थाखाय मोननैबो कमिटिया खावलायहरो। खौरंगिरि मेलाव बि पि सि पि आइनि बाक्सा जिल्लानि लेडइ आफादगिरि हेरेन्द्र बसुमतारि, बर' उमेन जास्टिस फरमनि आफादगिरि बालिका नाजार्गि आरो माखासे बर' आफादफोरनि दैदनगिरि-सोद्रोमाफोरबो बे हाबाफारियाव बाहागो लादोंमोन।

मोब्लिब बिलआ राइजो-राजाफोरखौ जेनायाव

फोजोंगा सुबुंनि न'आव दानआव 2 निक्राय 20 रोजा रंसिम मोब्लिबनि बिल फैयो। बेबायदि बिलखौ नुनाने बायगिरि राइजो-राजाफोर जेनायाव गोरलैदों। बोसोर बोसोर नाडेनो बे जेनाया बरमा मोब्लिब राससारथाय खोन्दोआव सोमजिबाय थादोब्लाबो बे समाव बेबायदि अजदफोर बांबोबाय थादों। बेबायदि अजदखौ लानाने एस डि अनि खाथियाव थाडेब्बा गांगाथफा जानाने जिरयना थानाय बिबानगिरिया बायगिरिफोरनि सिगाडव मोदोम हगारसारना होनाय बिबुंथि होयो। हाजिरा-मुजिरा मावनानेब्लाबो मोब्लिबनि बिलखौ दानफा-दानफा सुख'ग्रा सुबुंफोरनि थाखाय बे समाव गिदिर जेना सोमजिदों। सरसनसानिखुइबो बांसिन फैनाय मोब्लिबनि बिलखौ खमायना होगोन होन्नाने बुडेब्लाबो गुबुन मोनसे बिलआव फिन सिगांनि बिलखौ दाजबदेसनाने मोनसे रोखोमै मेलेमारि खस्ट होबोनयनि अजद सिखादों। आथिखालाव सरसनखा बिबानगोनाने बायगिरिफोर रहा गैयै जानादों। आसाम जातियबादि लाइमोन फरायसा आफादन बरमा दखर कमिटिआबो बे जाथायखौ सोमोनांथाव होन्ना फोरमायनाने थाबेनो बे जेनाखौ सुखाडब्ला सुबुंखांथियारि सोमावसारनो हुमखि होयो।

बि पि एफआ बि जे पिजों गोरोब हैयोब्लाबो इउ पि पि एलनि

गिनांगोनि गोनांथि गैया। बिथाड बुंबावोदि, इउ पि पि एल, बि जे पि हान्जाया सोलिफु राइज्यो सरकारखौ गोमोगैयै आरो गोखोडे दैदेनगासिनो दं आरो राइज्योनि गासै हारि-हारिसाफोरनि थाखाय समाने जौगानायनि खामानि मावगासिनो दं। हाग्रामा महिलारी दैदेन्याय बि पि एफ राजखान्थि हान्जानि बागै इउ पि पि एलनि आफादगिरि प्रमद बर'आ बुडेदि, आथिखालयाव बि पि एफ हान्जानि थासारिया मोजो नड। मानोना बिसोर गारबिसिनि दोलोनि सायाव फोरमायथि गैया जालांबाय आओ दिदोमथि गैयै थासारिजों नुनो मोनगासिनो। बि पि एफ हान्जानि दैदनगिरिफोर दासान्दि गावसोरनो बबे लामाजों थानो, मा मावनो बेनि सायाव गोनां-गोथो जागासिनो। बेनिखायनो बि पि एफआ गावसिनि हान्जा सिफायनाने बि जे पिजों गोरोबहैयोब्लाबो इउ पि पि एल हान्जानि थाखाय जेबो गोहोम गोरलैनाय नडा। खुंजानो गोनां उफ्रा बिधान सभा बिसायख'थिनि बागै सांथि सांनयाव बिथां बर'आ बुंथियोदि, राइज्योयाव खुंजानो गोनां उफ्रा बिधान सभा बिसायख'थिनि थाखाय इउ पि पि एल, बि जे पि आरो ए जि पिआ खौसेयैनो बिसायख'थि तेलेनो साखा-फार जागासिनो। राइज्योनि गुबुन बिबायफोरजों लोगोसे बि टि आरनि मोनै बिबाय तामूलपुर आरो गसाइगावयाव इउ पि पि एलआ बिजाथि फसंनो मोनगोनखौ मिर्जिथियाय फोरमायो। □

जालाह जौगाथाइ मावखुलिनि जुनियर इन्जिनियारखौ

बिबाननिक्राय बोख्तायनो थाखाय बिटिसिनि मावफुं सोद्रोमा राकेश ब्रह्मआ बि टि सिनि गहाइ मावफुं सोद्रोमा प्रमद बर' आओ गोजौ थाखोनि बिबानगिरिनिसिम लाइजाम दैथाइहरो। बेजों लोगोसेनो बिटिआर हालामाव जायफोर बिबानारि आओ मावथिफोरा जाखन् नायजों लोब्बा लाखिदों बिसोरखौ राइजो राजाफोर अजद देखाडेब्बा एबा फोरमान मोनोब्बा बिबाननिक्राय बोख्तायनाय जागोन होन्ना गोखों रावजों सांथि होयो। □

तामूलपुरआव राज्योयारि गोथैसालियाव दै जगायनाय बिथांखिनि अन्थाइ खाम्फा

एम सि एल ए हेमन्त कुमार रभाआ। 15 थि रंखाथियारि बोसोरनि सिडव थिखानाय 5 लाख रं बाहायनाने आरो तामूलपुर जौगाखां खोन्दोनि गेजेरजों लुफुंनो गोनां दै जगाय बिथांखिनि अन्थाइ खाम्फाखौ गायसनाने बि टि सिनि थिसनजानाय एम सि एल ए हेमन्त कुमार रभाआ बुडेदि, दै जगाय बिथांखिनि लुफुंथाया आबुं जायोब्बा गोथैसालिसिम गोथै सह गारनो थाखाय फैनाय राइजो-राजाफोरनि गोलाव समनि जेनाया सुखानांगोन। गुबुन फासैथिं तामूलपुर महकुमानि गुबुन मोनसे जायगायाव थानाय रज्योयारि गोथैसालिफोरबो जौगाखां खोन्दो बिबानगिरि मावख'नि गेजेरजों दै जगाय बिथांखिनि गायसननाय जागोन होन्नानेबो थिसनजानाय एम सि एल ए हेमन्त कुमार रभाआ बुडे। दिनेनि अन्थाइ खाम्फा गायसननाय हाबाफारियाव थिसनजानाय एम सि एल ए हेमन्त कुमार रभाजों लोगोसे तामूलपुर मन्डल बि जे पिनि आफादगिरि अम्बर सेत्रि, 4 नं तामूलपुर पि सि डि सिनि मासिगिरि गपेस्वर कलिता, टि सि एल सि सिनि सोद्रोमा परस दास, बाक्सा जिल्ला आइजो मर्चानि आफादगिरि अर्सना चौधुरीजों लोगोसे गोथैसालि सामन्त्याय कमिटिनि आफादगिरि-नेहाथारि आओ सोद्रोमाफोरबो बाहागो लादोंमोन।

अक्षय कुमारआ बेल बटमजों लोगोसे सिनेमा हलफोरखौ खुलिफिन्नायनि मख 'जाथाव पस्ट शेयार खालामदों

गोदान दिल्ली, 11 आगस्ट: फावखुंगुर अक्षय कुमारनि मुंदाखा सावथुन बेलबटमआ 19 आगस्टआव सिनेमा हलफोरख रिलीस जासिगोन। करना भाइरस पेन्डेमिकनि नैथि दोहौनि उनाव बेयो गिबि गिदिर बलिउड सावथुन, जाय अटिटि प्लेटफर्मखौ नेवसिगारनानै थोंजोडै सिनेमा हलफोरख रिलीस जागोन। बे सावथुननि सायाव नायगिरिफोरखौ लोगोसे फालांगिखौबो नोजोर होनाय जादों, मानोना बेलबटमनि बक्स अफस काले कसननिफ्राय



इन्फे कसननि समाव नायगिरिफोरनि अन्जिमाखौ मिथिनो हागोन। अक्षयआ

आतिखालाव गावनि हान्जाजों लोगोसे ससेल मिडियाआव सावथुननि प्रमसनआव नांथावदों। बुधबारखालि अक्षयआ मोनसे भिडिअखौ पस्ट खालामदों, जेराव सावथुननि गासैबो गाहाय फावगिरिफोरनि सिनायथिखौ होदों। बे भिडियजों लोगोसे अक्षयआ लिरदों 19 आगस्टआव थाखोमानानै थानाय

बाथ्राफोरबो खुलिगोन आरो सिनेमा हलफोरबो। बेल बटमआ 8 सानल' आद्रा दंसै। मख'नो गोनादि, रन्जित एम तिवारीनि बिथोन होनाय बेल बटमआ मोनसे पिरियड स्पाइ थ्रिलर सावथुन, जायनि सल'खौ 1984 नि बिबाइव सेट खालामनाय जादों। सल'आ प्लेन हाइजेकनि बेंखन्थायाव गिदित्नाय, जायनि गेजेराव दावबायारिफोरखौ रैखाथिये दिहुन्नायनि बिबानखौ बिबानगिरि जानाय अक्षय कुमारनो गथायनाय जायो। लारा दत्तआ बारग' गाहाय मन्थि इन्दिरा गान्दीनि फाव खालामदों। लारानि लुकआ ससेल मिडियाआव दोहौ गोनाडै भाइरेल जादों। बेल बटमआव वाणी कापुरखौ गिबि खेब अक्षय कुमारजों लोगोसे फिमेलनि गाहाय फावआव नुनो

मोनगोन। हुमा कुरैशीआबो सासे संगालिनि फाव खालामदों। करना भाइरस पेन्डेमिकनि उनाव अक्षय कुमारनि बेयो गिबि सावथुन, जाय सिनेमा हलफोरख रिलीस जागोन। अक्षयखौ गिदिर फदायाव जोबथा खेब गुड निउजआव नुनो मोन्दोंमोन, जाय 2019 आव रिलीस जादोंमोन। बे सावथुनआव करिना कापुर खान, दिलजीत दसान्झ आरो कियारा आडवाणीआ गाहाय स्टारकास्टनि बाहागो जादोंमोन। बेनि उनाव अक्षयनि सावथुन लक्ष्मीआ डिज्नी प्लास हटस्टारआव रिलीस जादोंमोन। बेल बटमनि उनाव अक्षयनि सुर्यबन्शीखौबो रिलीसनि थाखाय थियारि खालामदों। आतिखालाव बेनि अक्टआ थि जाथ'याखै।

सुनिल शेट्टीआ हिर' आरो भिलेइनि फाव खालामनानै दोहौ सोमजिहोखांबाय



गोदान दिल्ली, 11 आगस्ट: फावखुंगुर सुनील शेट्टीआ बलिउडनि बै फावगिरिफोरनि गेजेराव सासे जाय गावनि जर'खा आरो आलादा फाव खालामनायनि थाखाय मिथिसारजादों। बियो माखासे हिट सावथुनफोरख फाव खालामनानै गिदिर फदायाव गावनि सिनायथिखौ लाखिदों। सुनिल शेट्टीआ 11 आगस्ट 1961 आव कर्नाटकनि मेंगालरनि मुल्कीआव जोनोम जादोंमोन। बनि बिफानि मुड भिरप्पा शेट्टी। शुनिल शेट्टीआ गावनि केरियारखौ 1992 आव रिलीस जानाय सवथुन बलवानजों जागायदोंमोन। बेनि उनाव बिखौ वक्त हमारा है आरो पेहेचानआव नुनो मोन्दों। 1993 आव रिलीस जानाय सावथुन दिलवालेनि थाखाय शुनिल शेट्टीआ फिल्मफेयारआव बेस्ट सापर्टि फावखुंगुरनि बान्था मोन्दों। महयआव शुनिल शेट्टीनि फावखौ फदायाव नायगिरिफोर गोबां मोजां मोन्दोंमोन। बेनि उनाव शुनिल शेट्टीआ गपि किशान, टक्कर, कृष्णा, सुपुत, बर्डर, भाइ आरो आक्रश बायदि माखासे हिट सावथुनफोरख गावनि एक्सनफोरनि अनगायै कमेडि आरो भिलेनि फावनि जाहोनावबो खौराडव थाखांबाय। सावथुन हेराफेरी आरो फिद हेरफेरीआव बनि फावखौ माब्लाबाबो बावनो हाया, बेराफासै सावथुन धड़कनआव शुनिल शेट्टीनि ग्रे शेड फावआबो जोबोद मोजां जादोंमोन। बियो सन्जय दारनि सावथुन रुद्राक्ष आरो शाहरुख खाननि सावथुन मै हुं नायावबो भिलेइनि फाव खालामखांबाय। हिन्दीनि अनगायैयैबो शुनिल शेट्टीआ साउथ सावथुननिबो माखासे सावथुनफोरख गावनि फावनि गोहोखौ दिथिखांबाय। बियो गावनि केरियारआव 100 निफ्राय बांसिन सावथुनफोरख फाव खालामखांबाय। शुनिल शेट्टीआ क्रिकेटर जानो गोसो दडमोन। बे बाथ्राखौ बियो गावनि इन्दरभित्तआव बुंखांबाय। शुनिल शेट्टीआ एक्टि खालामनो एसेबो गोसो गैयामोन। गाव हारदरनि थाखाय गेलेनो आरो क्रिकेटर जानो गोसो दडमोन।

रणबीर-आलियानि जुलनि खौरांखौ लानानै लारा दत्तआ बिबुंथिजों होदों

गोदान दिल्ली, 11 आगस्ट : बलिउड फावखुंगुरि लारा दत्तआ आतिखालाव गावनि रिलिज जानो गोनां सावथुन 'बेल बटम'खौ लानानै खौराडव थादों। आतिखालाव फावखुंगुरिया बे सावथुनखौ गोसो होसारनानै प्रमशन खालामदों। प्रमशननि समाव बावैसो समाव लारा दत्तया रणबीर कापुर आरो आलिया भाटनि जुलिखौ लानानै मोनसे औरैबायदि बिबुंथिखौ होदों, जाय खौराडव फैंदों। लाराया बुंदों, बिसोर सानैया थाबैनो जुलि जासिगोन। फावखुंगुरिनि बे बिबुंथिजों रणबीर आरो आलियानि फेन्सफोरनि गेजेराव खुसि जानायनि दोहौ सोमजिदों। मानोना बे जरानि जुलिखौ फेन्सफोर गोबां गोसो होसारनानै नेनानै दड। नाथाय आतिखालाव लाराया गावनि बिबुंथियाव फिन्नाय होफिन्दों आरो रोखायै बुंदोंदि, बे सोदोबखौ जबरदस्तीयै गावनि खुगायाव नारसिन्नाय जादों। रणबीर आरो आलिया भाटनि जुलिनि खौरांनि गेजेराव लाराया गावनि मावख'आरि टुइटर एकाउन्टआव टुइटर खालामदों



जेराव बियो लिरदों। मोनसे जरानि दावबायनायाव आरो फावगिरिनि महरै बेयो गोबां अन्थाव। रोखा महरै आं जेबो इयुनखौ फोरमायगा नड, जाय बेबायदि माखासे ब्रेडिक्टखौ खालामनो हायो। मिडिया आंनियाव सौथि सौनायनिफ्राय जानगाराव थागानांमोन। नौथांमोननि निउजआ आबुडै जोबोद मख'नो गोनादि मोनसे निउज सेनेलजों बाथ्रा सावरायनानै लारा दत्तआ बुंदोंमोन आं बलीउडनि नंखाय बानसावनायजों मोगा मोगि जानाडै खै, नाथाय गावनि खौरांनि बायदिब्ला बे जरा (रणबीर आलिया) आ

थाबैनो जुलि जासिगोन। गावनि मानियाय बायदिब्ला रणबीर आरो आलियाआ बे बोसोराव जुलि जागोन। लारा दत्तया बुंवावदों, गाव आरुनि सुबुं आरो गाव मोनथियादि आतिखालिनि समाव सोर सोर स्टारफोर गावजों गाव डेट खालामदों। गाव माखासे जराफोरनि सोमोन्दै बुंनो हायो नाथाय गाव बेखौ मोनथियादि बिसोरो दासिमबो लोगोसे दडना गैया। मख'नो गोनादि, बेल बटमआव लारा दत्तानि अनगायै अक्षय कुमार, बाणी कापुर आरो हुमा कुरैशीआ गाहाय फाव खालामदों। सावथुनआव 18 आगस्टआव सिनेमाहलफोरख रिलिज जासिगोन।

गाहाम देहानि राहा

इनफर्टिलिटी जेंनायाव गोग्लैनाय हौवाफोरा खुसेर बिदै लौनानै मुलाम्फा मोनो हागौ

भारतआव खुसेरनि जुसखौ बयबो मोजां मोनो। गरम बोथोरव बाजारआव खुसेर बिदैनि माखासे स्टलफोर मोन्नाय जायो। अदेबानि खुसेरनि जुसआ जौनो माखासे देहायारि मुलाम्फा होयो। लोगोसे बेखौ लौनायजों हौवाफोरा मोनसे गोब्राब जेंनानिफ्राय रेहायबो मोनो हागौ। नाथाय खुसेरनि जुसनिफ्राय मोन्नाय गासै मुलाम्फाफोरखौ मोनो थाखाय बेखौ मोनसे जर'खा समाव लौनांगोन। हादरनि मुंदाखा निउटिसनिस्ट रुजुता दिभेकरआ खुसेरनि जुस लौनायजों मोन्नाय मुलाम्फाफोरनि सोमोन्दै फोरमायदों। बिथाड बुंदोंदि, गोथाडै दिहुन्नाय खुसेर बिदैखौ लौनांगो आरो बेखौ बेलासि जानायनि सिगां सप्ताहआव खमैब्लाबो खेबथाम लौनांगो। बेजों लोगोसे बेखौ जिगयनानै लौंब्लासो बे जुसनि



मुलाम्फाखौ मोनो हागोन। (1) रुजुता दिभेकरनि बादिब्ला, जाय हौवाफोरा इनफर्टिलिटी एवा बिफा जानो हायैनि जेंनाजों भुगिनादों, बिसोर खुसेर बिदै लौनांगो। मानोना बेयो फर्टिलिटीखौ गोखों खालामो। (2) खुसेर बिदैआ आइजोफोरखौ पिरियडसनि सिगां ब्लाड स्पर्टि आरो केम्पनिफ्राय रेहायबो होयो आरो गोदान बिमानि थाखाय लेकटेसनआव बारायहोयो।

(3) खुसेर बिदै लौनायजों उदै दुनाय आरो मेंनायनि जेंनाया जानगार जायो। (4) बेयो लिभार आरो कि डनीनि फांक्सनखौ सावसिन खालामो। (5) सिथर-सिला आरो डेन्ड्रफनि जेंनानिफ्राय रेहाय मोनो थाखायबो बेखौ लौनांगो। (6) खुसेर बिदैआ खि गोरा खिनाय जेंनानिफ्रायबो रेहाय मोनहोयो।

रिया चक्रवर्तीआ गोबाव समनि उनाव गावनि माखासे ग्लेमार्स सावगारिफोर शेयार खालामदों

गोदान दिल्ली, 11 आगस्ट: बलिउड फावखुंगुरि रिया चक्रवर्तीनि थानाय माखासे समफोरा गोबां जेंनाफोरजों बुंफनयाय जादों। लासै-लासै आरोबाव खनसे आतिखालाव रियाआ गावनि जिउखौ सरासन्खा खालामनो नांथावदों। बियो आबुडै गावनि जिउखौ सिगांनि बादिनो मोजाडव लाबोफिनो नाजादों। बेराफासै आतिखालाव रियाआ ससेल मिडियाआव गोदानै एक्टिभ थादों। बावैसो समाव रियाआ गावनि यगा खालामनाय आरो बिजाब फरायनाय सावगारिखौ शेयार खालामदोंमोन। आतिखालाव बनि आरोबोब मोनसे सावगारिआ गोबां खौराडव फैंदों। बे सावगारिआव गोलाव समनि उनाव आरोबाव खनसे बनि ग्लेमार्स आखुखौ नुनानै फेन्सफोरखौ गोबां खुसि जानाय नुनो मोन्दों। फावखुंगुरि रिया चक्रवर्तीआ गावनि इनस्टग्राम एकाउन्ट आरो इनस्ट स्ट्रिआव गावनि मोनसे लेटेस्ट सावगारिखौ पस्ट खालामदों। बे सावगारिआव बिखौ गोबां ग्लेमार्स लुकआव नुनो मोन्दों।



बियो सावगारिआव जोबोद समायना माल्टि गावनि फिउजन सारि गान्दों। बे ड्रेसजों लोगोसे रियाआ गोबां लाइट मेकआप खालामदों, जाय बनि बे आबुं लुकखौ गोबां सुट खालामदों। बेजों लोगोसेनो बियो गावनि खानायखौ हगारसारदों। बे सावगारिखौ शेयार खालामनायजों लोगोसेनो रियाआ केप्सनआव थाद'नाय लिरदों। बनि बे सावगारिखौ फेन्सफोर गोबां मोजां मोन्दों। बेराफासै फेन्सफोर लांन्थिये किउट, बिउटिफुल आरो ग्लेमार्स बायदि कमेन्ट खालामनानै रियाखौ बाखायदों। बे सावगारिआ

ससेल मिडियाआव गोबां भाइरेल जादों। दासिमआव बे सावगारिखौ 1 लाखनिफ्राय बांसिन खेब नायखांबाय। रिया चक्रवर्तीनि वर्कफ्रन्टनि बाथ्राखौ बुडोब्ला बिखौ थाबैनो अमिताभ बच्चन आरो इमरान हाशमीजों लोगोसे सावथुन चेहरेआव नुनो मोनसिगोन। बेराफासै रियाआ गावनि केरियारखौ सावथुन मेरे डेड की मारुतीजों जागायदोंमोन। बेनि उनाव बिखौ माखासे सावथुनफोरख जैरे-जलेबी, बेन्कचर, दबाग, हाफ गार्लफ्रेंड, सनाली के बल, हेपी एनिभासारीफोराव नुनो मोन्दों।

कौन बनेगा करडपति 13 खौ आरोबाव खनसे टिभि स्क्रीनआव नुनो मोनसिगोन

गोदान दिल्ली, 11 आगस्ट: टिभिनि मुंदाखा सौथि सौनाय स्व' एवा कौन बनेगा करडपतिआ नायगिरिफोरनि गियानखौ बांहोनायजों लोगोसे सुबुंफोरनि माखासे आद्रा थानाय सिमांफोरखौबो आबुं खालामो। मेगा स्टार अमिताभ बच्चनआ हस्ट खालामग्रा कौन बनेगा करडपति स्व'आ अरायसमनिफ्रायनो नायगिरिफोरनि फेभराडट जादों। बेखौ साफ्रोमबो गोसो होसारनानै नायो। स्व'आव सोरबा बादायारिआ गोबां रां देहानो गोसो जानायखौ लानानै फैयोब्ला सोरबाया बिग बनि मोनसे नुथायखौ मोनो थाखाय फैयो। आतिखालाव कौन बनेगा करडपति 13 आ थाबैनो जागायसिगोन। सनी एन्टरटेनमेन्ट टेलिभिसनआ गावनि ससेल मिडिया हेन्डेलआव कौन बनेगा करडपतिनि बे गोदान प्रम'खौ मोजां आखुआव रिलीस खालामनाय जादों। बे प्रम'खो गोबां मोजां मोन्नाय जादों। बेखौ शेयार खालामनायजों लोगोसेनो बेनि रिलीस अक्ट आरो समखौबो फोरमायनाय जादों। बेखौ शेयार खालामनानै केप्सनआव लिरनाय जादोंदि, पार्ट 1 आरो पार्ट 2 आव गोबां फिनजाथाय होनायनि थाखाय साबायख'र। आतिखालाव जों नौथांमोननि थाखाय 3 थि पार्ट केबिसि फिल्म सम्मान पार्ट 3 नि फाइनल सिरिजखौ शेयार



खालामदों। 23 आगस्टखालि हरनि 9.00 रिगानिफ्राय सनी टिभिआवल' जागोन। बे प्रम'खौ नायनो हागोन, बेखौ मोनसे सावथुन मेकार नितेश तिवारीआ खालामदों। गिबि खेब बेखौ मोन 3 बाहागोआव बानायदों। मख'नो गोनादि, केबिसि 13 नि बे आबुं भिडिअखौ नितेश तिवारीआनो लिरदों आरो बेखौ बिथोन होदों।

बिग बस अटिटि: के आर केआ मुस्कान जट्टानानि सायाव दाय जाबसिन्दों

गोदान दिल्ली, 11 आगस्ट: गावखौनो गाव सावथुन बिजिरा खालामनानै लानाय फावखुंगुर केआरकेआ सानफ्रोमबो खौराडव थाबाय थायो। बिथाड सावथुन स्टारफोरखौ लानानै ससेल मिडियाआव बिबुंथिबो लाखिबाय थायो। अब्लाबो बिथाड गोबां खेब टूल खालामनायजोंबो मोगा-मोगि जानांबाय। आतिखालाव केआरकेआ जेंना गोनं आरो मुंदाखा रिपेलिटी श्व' बिग बस अटिटिखौ लानानै बिबुंथि लाखिदों। बियो श्व'नि सासे कन्स्टेरेटखौ लानानै गोबां बाथ्रा बुंदों। बिथाड बिग बस अटिटिनि कन्स्टेरेट मुस्कान जट्टानानि सायाव दाय जाबसिन्दोंदि, बियो ससेल मिडियाआव निउड स्ट्रीम खालामो। केआरकेआ बिग बस अटिटिखौ लानानै बुंदोंदि, जुदि मुस्कान जट्टाना बायदि सुबुड श्व'आव फैनो हायोब्ला राज कुन्ध्राखौ जोबथेसालिआव दोनानयनि जाहोन थाया। बेफोर बाथ्राखौ केआरकेआ ससेल मिडियानि गेजेरजों फोरमायदों। बिथाड ससेल मिडियाआव अरायबो एक्टिभ जानानै थायो आरो गोबां जेंनाफोरनि सायाव गावनि बिबुंथिखौ लाखिबाय थायो। बियो गावनि अफिसिएल टुइटरआव लिरदों, आं सोलिफु बोसोरनि बिग बसखौ नायाखै आरो नायनायनिबो प्लेनि



खालामाखै, नाथाय आं मिथिनो मोन्दोंदि, श्व'आव मुस्कान जट्टाना मुनि सासे हिन्जाव दड; जाय निउड स्ट्रीम लाइभ खालामो। जुदि श्व'आव बेफोरबादि हिन्जावफोर नुजाफैनो मोनोब्ला राज कुन्ध्राया जेलआव थानानायनि जाहोननि आंथिया मा? आइनआ बयनिबो थाखाय समान जानांगौ।

आफगानिस्तानआव तालिबाननि इनाय-अनागारजौं 30,000 निबो बांसिन नख 'रफोरा न' गैजायै जानादों

कन्धार, 11 आगस्ट: आफगानिस्तानआव आफगान सरकार आरो तालिबाननि गेजेराव दावहा सोलिसिनो दड। बेनि गेजेरजौं सरकारि बिबानगिरिफोर खौं होयोदि, बे दावहायाव खोला आफगानिस्तानआव दासिमआव 20-30 रेजा ख 'रफोरा न'-बां गैजायै जानाबाय। बिसोर सुबुफोरनि गेजेराव बांसिनआनो कन्धार ओन्सोलनि। सुलुनि बादिब्ला, फराह, बडगी आरो हेल्मन्द बायदि ओन्सोलनिफ्रायबो माखासे नख 'रफोरा न'-बां गैजायै जानादों। बिसोर न'-बां गैजायै जानानाय नख 'रफोरो' जानाय-थानाय आरो देहा सिबिथाय होनाया जेना गोनां जानानै फेदों। बेनि गेजेरजौं हाजी केम्पआव माखासे न' गैजायै जानानाय नख 'रफोरा' थादों। सुलुनि बादिब्ला, तालिबानआ गावसोरनि बेंखनआव थानाय ओन्सोलनि सुबुफोरखौं हुमखि होनानै खावगासिनो दड।



आधिखालाव तालिबानआ बे दाबि देखांनयफोरखौं आफगान सरकारि संगालि एजेन्सिफोरनि फोसावनायसो होन्नानै फोरमायदों आरो बे बाश्नाखौं नेवसिगारदों। बे जाथायजों न'-बां गैजायै जानानाय बास बिबिआ फोरमायदोंदि, कन्धार सहरनि बाइजोयारि ओन्सोलाव तालिबाननि गाग्लोबनायाव आं सा 5 गथ 'फोरखौं' खोमानादोंमोन। आधिखालाव आं दा सा 18 सुबु 'फोरनि' नख 'रखौं

जाहोनां गौ-लो होनां गौ। बेराफासँ आंनियाव जेबो गैला। बेनिखायनो आंनो मददिनि गोनां जादों। गुबुन आरो बिलकिसआ फोरमायदों, 20 साननि सिगां तालिबानआ आंनि न'आव गाग्लोबदों आरो आंनि सिगाडवनों आंनि फिसज्नाखौं बुथारदों। बिसोर आंनि बिहामजोखौं लांनो लुबैदोंमोन। बेनि जाहोनावनो जौं न' नागरानादों। मख 'नो गोनांदि, सरकारआ बे न' गैजायै जानाय सुबु 'फोरनो

सानसेआव खेबसे जाग्रा आदार होदों आरो माखासे हेल्थ वकारफोरा सुबुफोरखौं मदद खालामगासिनो दड। डा: सबाबुनआ बे न' गैजायैफोरनि केम्पआव गोबां गोबांआव थानाय आइजोफोर दड। बिसोर जायखि-जाया समावनों गथ 'फोरखौं' जोनोम होनो हागौं। नाथाय बेयाव बिसोरखौं मदद खालामनो रावबो गैया। बेयाव जेबो रोखोमनि देहा रैखाथिनि खाबु गैया।

करनानि बांनाय केसफोरा बाइडेन खुंथायनि जिंगाखौं बांहोदों

निउयर्क, 11 आगस्ट: मुलुगनाडे करनानि बांनाय केसआ आरोबाव खनसे सुबुफोरखौं सिगिनो हमदो। भेक्सिन थुनायनि उनावबो सोराडव फेनाय करनानि केसआ हादत आरो मुलुगनाडेनि अनगायै इउएननि गहाम देहा एजेन्सि डाब्लिउएइअनि थाखायबो जिंगानि थासारि जादों। आमेरिकाआव बांनाय केसआ बेवहायनि सरकारखौं सिगिनो हमदों। हादतखौं आरोबाव खनसे गोजाम थासारियाव फेफिनाय नुनो मोन्दों। आइएएनएसनि बायदिब्ला हादतआव थांनाय 24 घन्टानि समाव 184346 गोदान केसफोरा सोराडव फेदों। फार्सेथिं आमेरिकानि सेन्टर फर डिजिज कन्ट्रल एन्ड प्रिभेन्सआव बेनि अन्जिमाया 92631 खौं फोरमायदों। बेनि बायदिब्ला हादतआव दासिमाव करना इनफेक्सननि बेरामिफोरनि अन्जिमाया 35991203 जाखांबाय। सिडिसिनि बायदिब्ला हादतआव दासिमाव बेनि जाहोनाव 615778 बेरामिफोरा थैखांबाय। फार्सेथिं आइएएनएसआ बेनि अन्जिमाखौं 6188000 फोरमायदों। सिडिसिआ गावनि अन्जिमायाव 10 आगस्ट मोनाबिलनि 7-25 रिगासिमनि केसफोरखौं मख 'दों। रायटरनि बायदिब्ला चीनआव थांनाय 24 घन्टानि समाव गासै 83 केसआ सोराडव फेदों। थांनाय सप्ताहनि



समाव हादतआव गासै 583 केसआ सोराडव फेखांबाय। हादतनि सान्जा मोनसेल' यानाझाउनो गासै 54 गोदान केसआ सोराडव फेदों। बे समाव नानजियानायाव डेल्टा भेरिन्टनि गासै 1 दर्जन केसआ सोराडव फेदों। आइएएनएसनि बायदिब्ला ब्राजिलआव थांनाय 24 घन्टानि समाव करना इनफेक्सननि जाहोनाव 1211 बेरामिफोर थैदों। बेनि उनाव बेवहाय थैनायफोरनि अन्जिमाया गासै 564773 सिमाव सौहैदों। थांनाय 24 घन्टानि समाव हादतआव

3499 गोदान केसआ सोराडव फेदों। बेनि उनाव बेवहाय गासै के सफोरनि अन्जिमाया 20212642 जादों। खोला करियाआवबो करनानि गोदान केसआ गोदान रेकर्ड जादों। बेवहाय थांनाय 24 घन्टानि समाव 2223 गोदान केसफोरा सोराडव फेदों।

दुध दुरन्त ट्रेननि हेफाजाबै दिल्लीयाव 10 कौटि लिटार गाइखेर जगायबाय

गोदान दिल्ली, 11 आगस्ट: दुध दुरन्त जर 'खा ट्रेनफोरनि गेजेरजौं अन्ध प्रदेशनि रेनीगुन्टानिफ्राय राजथावनि गोदान दिल्लीसिम गाइखेर जगायनानै होनाय अन्जिमाया 10 कौटि लिटार बारलांबाय। थांनाय बोसोर 2020 नि 26 मार्चआव जागायनाय बेफोर जर 'खा ट्रेनफोरखौं खोला-गेजेर रेलवेनि गेजेरजौं जेबो हँथा गैयालासे सोलिहोनाय एबा सामलायनाय जादों। दासिमआव बेनि गेजेरजौं 2,502 टेंकिफोरखौं दैथायहरनाय जाबाय। रेल मावख 'आ बुंदोंदि, कभिड-19 नि सिगां गोदान गोनांथिफोरखौं आबु खालामनो थाखाय सप्ताह खनफोमबो सुपारफास्ट ट्रेनफोरयाव गाइखेरनि टेंकि सरजाबफानाय जादोंमोन। जेब्ला हादरआव लकडाउन जादोंमोन अब्ला खोला-गेजेर रेलवे दुध दुरन्त जर 'खा



ट्रेनफोरखौं सोलिहोना हाबाफारि जागायो। मेल आरो एक्सप्रेस गनैनिबो गेजेरजौं रेनीगुन्टानिफ्राय हजरत निजामुद्दीन स्टेसननि गेजेरनि 2,300 कि:मि: गोलाव लामाखो बेफोर जर 'खा ट्रेनफोरा 30 घन्टा समसिम दावबायो। खोला-गेजेर रेलवेआ बे ट्रेनफोरखौं मेल आरो एक्सप्रेस ट्रेनफोरजौं समानै सोलिहोदों। दुध दुरन्त स्पेसेल ट्रेनखौं

सरसन्सायै गं 6 गाइखेरनि टेंकिफोरजौं हगारनाय जायो, जेराव फंक्रोमबो टेंकिनि गोहोआ 40,000 लिटार। गंसे ट्रेनआव गासै 2.40 लाख लिटार गाइखेर लांनाय जायो। मावख 'आ फोरमायदोंदि, बे जर 'खा ट्रेनफोरजौं गासै खेब 443 (राउन्ड) आव 2,502 टेंकिफोरजौं 10 कौटि लिटारनि बांसिन गाइखेर जगायखांनय जाबाय।

वासिंटन, 11 आगस्ट: भारतयारि आरो आमेरिकायारि फसंथानफोरा ओन्सोलाव बोथोरनि सिगांनो हमदांनयखौं साबसिन खालामनो थाखाय बोथोर डेट नायबिजिरनाय आरो हेफाजाब होज्जायनयनि सायाव मोनसे रादाय खानायाव मुंसाय होयो। बे रादायआव समबाखालि भारतनि नेसनेल इनस्टिटुट अफ एक्सन टेक्नलजिनि डाइरेक्टर जीए रामदास आरो इउएन एसिन्टे एडमिनिस्ट्रेटर फर रिसार्च आरो नेसनेल एइचनिक एन्ड एडस्पेरिक एडमिनिस्ट्रेसननि हाबाफारि मावग्रा गाहाय बिगियानगिरि क्रे क मेकिलीनआ मुंसाय होयो। बेनि फिनजाथाय महरे, गनैबो फसंथाना सोलायनयनि थाखाय सा भारत लैथोमा (अएमएनआइ) आव आर्फि कान-एसियान-अस्ट्रेलियान बोथोर संदानगिरि आरो हमदांगिरि (आइएएमए) आरो एइसाना मुरार्ड बय



नेटवार्कआव एनएएस आरो भारतनि बुहुम बिगियान दैज्जां बोथोरखौं हमदांनयनि

थानाय रिसार्च मुरार्ड एरैखौं जौगाखां होनायाव गोनोखोआरि हेफाजाब होज्जायगोन। बे रादाय खानाया बुहुम बिगियान मावख 'आरो एनएएनि गेजेराव बुहुमखौं नायबिजिरनाय आरो बुहुम बिगियानआव गोनोखोआरि मदत होलायनयनि थाखाय थांनाय अक्टबरआव मुंसाय होलायनाय मेमरेन्डाम अफ आन्डार स्टेन्डिनि फिथाय। मेमरेन्डाम अफ आन्डार

सिटेन्टिआव आमेरिकाआव थानाय भारतनि थान्दै तनरजौत सिं सन्धु आरो डा. नील एजेकब्स लेडाइ फालांगिरि नेहाथारि आरो हान्था मेला खुंगिरि एनएएया मुंसाय होदोंमोन। मख 'जाथावदि भारतआव दैज्जां बोथोरनि अखा हाजेनायखौं लानानै हमदांनया नंखाय फोरमान जादों, जायनि सायाव समितिया सिगांसिनाय फोरमायनाय सोरां आव फेदोंमोन।

तेलेंगाना बिजेपिनि आगु दैदेनगिरिखौं गावनि कारजौं खामनाय गोथै सहखौं दिल्लीआव बोखांनानै मोनो

मेडक, 11 आगस्ट: तेलेंगानानि मेडक जिल्लायव मोनसे राजखान्थि पार्टिनि दैदेनगिरिखौं गात्रियै बुथारो। पुलिसआ बुंनय बायदिब्ला, बिजेपिनि आगुनि जिल्ला लेडाइ आफादगिरि आरो फालांगिरि बि. श्रीनिबास प्रसादिनि गोथै सहखौं थांनाय



मंगलबारखालि गावनि एसएसपि चन्दना दीप्तिनि खामनाय कारनि डिकीआव बायदिब्ला, फुनि समाव मोनो। मेडक जिल्लानि पुलिस माखासे दायनिगिरिफोरा

श्रीनिबासखौं गावनि कारजौं लोगोसे अर सावयो। जेब्ला अर नांनयनि खौंनो मोनायनि उनाव जाथाय जानाय जायगायाव सौहैयोब्ला श्रीनिबासखौं बिनि कारनि डिकीयाव गोलेसोना थानाय महराव मोन्दोंमोन। आधिखालाव गोथै सहखौं पस्टमर्टेमनि थाखाय जायगानि सरकारि देहा फाहामसालियाव दैथाय हरनाय जायो आरो 302 आइपिसिनि गेजेरजौं केस थिसनानै नायबिजिरनायखौं जागायबाय।

उरां जाहाज बन्द जानायनि सिगांनो गासैबो भारतयारिफोरखौं आफगानिस्तान नागारनो बिथोन

काबुल, 11 आगस्ट: आफगानिस्ताननि ब्रैथि गिदिर सहर मजार ए शरिफनि सायाव दखल खालामनायखौं लानानै गिखंथाव दावहाया जागायबाय। तालिबानआ बे सहरनि फारफोमथिंजायबो बेंखनयनि उनाव भारत सरकारआ एडभाइजरी फोसावनानै गासै नोगोरारिफोरखौं बुडोदि, बिसोर थाबैनो आफगानिस्तानखौं नागारदो। भारतआ मजार ए शरिफनि थान्दै मावख 'नि गासै राजथान्दै, मावसुमाफोर आरो नोगोरारिफोरखौं रैखाथियै दिहुन्नानै लाबोनो थाखाय जर 'खा उरां जाहाजबो दैथाय हरबाय। बेनि सिगां बेयाव



खामानि मावग्रा भारतयारि कम्पानिफोरनि मावसुमाफोरखौंबो फेफिनो थाखाय भारत सरकारआ खावलायो। मिडियाजौं लोब्बा गोनां आफगानिस्तानआव

कभारेज खालामबाय थानाय भारतयारि खौंगिरिफोरखौंबो थान्दै मावख 'जौं सोमोन्दो लाखिनो बिथोन होदों। बेराफासँ तालिबानआ मजार ए शरिफनि फारफोमथिंबो बेंखनयनि उनाव

नोगोरारिफोरखौं रैखाथियै दिहुनबोनो थाखाय थान्दै मावख 'आ आर'ज गाबानानै सहरनि खाथि-खालायाव जायफोर भारतयारिफोर दड, बिसोरखौं जर 'खा उरां

जाहाजजौं गोदान दिल्लीआव सौहैनो थाखाय बिसोरजौं सोमोन्दो लाखिनो खावलायदों। बेनि थाखाय थान्दै मावख 'आ टेलिफन नम्बरबो फोसावदों। भारत सरकारनि अन्जिमनि बादिब्ला, आधिखालाव सा 1500 भारतयारि नोगोरारिफोरा आफगानिस्तानआव दहैयो। बेनि सिगांनो गुबुन हादरयारि बिफानआ लक सभायाव बुंदोंमोनदि, भारतआ सांग्रां जानानै आफगानिस्तानआव थानाय गासै भारतयारिफोरनि रैखाथिनि थाखाय गासै गोनां जानाय राहाफोरखौं खालामगासिनो दड।

इसर'आ इआएस-03 सेटेलाइटखौं बावैसोनि गेजेरावनो दैथाय हगोन

चेन्नाइ, 11 आगस्ट: हादतनि 75 थि उदासि साननि 3 सान सिगां इसर'आ बुहुमखौं नोजोर लागिग्रा सेटेलाइट इआएस-03 खौं दैथाय हरनो नागिरदों। इसर'नि श्रीहरिकटपआव थानाय सतीश धवन अखामा मिरुनिफ्राय 12 आगस्टआव फुनि 5 रिगा 43 मिनिटआव सेटेलाइट इआएस-03 खौं दैथाय हरनाय जागोन। बेजौं बोथोरखौं मोजाडै नायबिजिरनायआव गोलेसिन जागोन। जिएसएलभि एफ 10 नि नैथि खोलोबनि थाखाय हाबाफारि मावनायखौं जागायजेनबाय। बेयो जाफुंसारब्ला भारतनि गोहोआ बांगोन। इआएस-03 सेटेलाइटजौं भारतनि उम्पहादीपआव दै बाना लोमसावनाय आरो चक्रबात बादि मिथिंगायारि खेफोतखौं नोजोर होनो हागोन। इआएस-03 आ जौगाखां सेटेलाइट, जिएसएलभि एफ 10 याननि मदतजौं बुहुमनि कक्ष हांखोआव गायसन्नाय जागोन। इसर'नि बादिब्ला बेयो नेमखान्थि बादिथै दसे समनि उनाव



ओन्सोलनि बोथोरनि खौंरांखौं होगोन। बेखौं मिथिंगायारि खेफोत, बोथोरनि जानाय जाथाय आरो जायखि जाया जाथायखौं नोजोर होनो थाखाय बाहायनो हागोन। बे सेटेलाइटआ आबाद, खनिनि मुवा, मिथिंगायारि सांग्रांथि आरो लैथोमा बिगियानजौं सोमोन्दो थानाय खौंरांखौं होगोन।



आसाम सरकार

गेलेमु आरो लाइमोन अन्साइ बिफान



दुलाराय भारत हादतखौनो गोग्गाखांहोनो
हानाय आसामनि फिसा

लाभलीना बरगहाइआ

अलिम्पिक देरहानानै

गोग्गा गोसोजो गावनि जोनोम थावनियाव

फैफिन्नाय समाव दुलाराय

आसामयारिफोरनिफ्राय गोर्बोजो

गाहाम अन्सायनाय आरो गोजोन्नाय होबाय

